

بسم الله الرحمن الرحيم

الحمد لله رب العالمين والصلاة والسلام على أشرف المرسلين سيدنا محمد صلى الله عليه وعلى آله وصحبه وسلم ثم أما بعد

قال رسول الله صلى الله عليه وسلم

نضر الله امرا سمع منا حديثا فبلغه غيره ، فرب حامل فقه إلى من هو أفقه منه ، و رب حامل فقه ليس بفقيه ، ثلاث لا يغفل عليهن قلب مسلم : إخلاص العمل لله ، و مناصرة الأوامر ، و لزوم الجماعة ؛ فإن دعوتهم تحيط من ورائهم و من كانت الدنيا نيته فرق الله عليه أمره ، و جعل فقره بين عينيه ، و لم يأت من الدنيا إلا ما كتب له ، و من كانت الآخرة نيته جمع الله أمره ، و جعل غناه في قلبه ، و أتته الدنيا و هي راغمة

**الراوي :** زيد بن ثابت - **المحدث :** الألباني - **المصدر :** صحيح الترغيب - خلاصة حكم المحدث : صحيح

إزيكم عاملين إيه ؟؟؟

يا رب تكونوا بخير وفي أحسن حال اللهم آمين

معاكم الي بيتكلم يا عم انت وهو وهي الي بيفرغ

المهم يعني عايز اقول كلمتين على السريع قبل ما ادخل على تفريغ مراجعة الدكتور احمد موافي ان شاء الله

أنا معنديش فراغ وربنا عالم كويس

معنديش فراغ شديد عشان اقعد اكتب كل كلمة الدكتور بيقولها

انا حابب الطريقة دي تتأخذ في حدوده وقصة

يعني اشارككم انا بعمل ايه وقت ما بفرغ

جايز واحد محترم

يقول احنا ايه ذنبنا

يا عم عديها بقا

بس فيه رسالة في التفريغات ويا رب توصلك إن شاء الله

الموضوع مش طبي فقط

عشان لو طبي فقط

أدام حضراتكم أي كتاب طبي

مليان معلومات وبس

لا التفريغات حاجة تانية

يارب ينفعنا بيها اللهم آمين

أبطل كلام عارف أنا جايز أفضل أتكلم لغاية ما اتشتم وكده ☺

بس على ايه يا عم انت وهي

كفاية كده

يلا اسيبكم مع الدكتور احمد موافي وعلى بركة الله

متنسوش ست حاجات معلش

بداية أحبكم في الله دون أن أعلمكم

ثانياً التفريغات دي تحت أمر حضرتك ولو عجبتك شبر في الخير واحتسب أجر نقل العلم للغير ربنا ينفعنا بيها يارب العالمين

ثالثاً طول ما أنت عندك ثقة في الله وفي نفسك أي حاجة تقدر تعملها بس خد بالأسباب وربنا يوفق الجميع

رابعاً ذاكر واستمتع واحتسب الي أنت بتتعمله هتطلع تنفع بيه إن شاء الله وتخدم بيه دينك وليك رسالة في الحياة استمتع وكلم نفسك وانت

بتذاكر بس مش ادام حد عشان ميقولوش انت اتبهلت .

خامساً لو حضرتك أو حضرتك ( ولد أو بنت يا رجالة ☺ ) بالتشكيل أهو ( لو شاطر في حاجة أعملها واحتسب أجرها عند ربنا

VISIT...

LANZAROTE  
*Caliente*.COM

أخيراً لا تنسونا من صالح دعائكم  
سلام بقا وأقبلكم في التفريغات بقا ☺ إن شاء الله

وأنت قاعد في الحصة جازي انا عارف إني بشرح ال branch كله بسرعة  
ولكن الفكرة  
الاحساس ده معرفش وصلكم ولا لا؟؟  
بتبقا مستمع بالحصة  
حاسس إن الأمور سهلة

أحياناً لما تبقى إحساس إن الأمور سهلة يخليك تتراخى ومتذكرش  
وده العيب الخطير جداً الموجود  
يعني ال liver دا شرحه كله في حصة  
واحنا تقريبا خارجين من الحصة فاهمين 80 %  
الأمور سهلة  
لما ضميركم هيصحى في أي وقت هتذاكر الكلام ده

أنا عايز يا أولاد يصحى من دلوقتي الله يكرمكم  
لأن لو أتأخرت يوم واحد  
هتتحس العملية صعبة

صدقوني يا جماعة الباطنة أسهل مواد العمر وهافضل أقول كده طول عمري لأخر يوم في عمري

بس بإيديكم إنتم تخلوها أصعب مواد العمر  
يعني إحنا خلصنا ال rheumatology وخلصنا ال liver  
معايا

إحنا ممكن نخلص منهج الباطنة  
أد الناس اللي بيشرحوا باطنة من أول السنة

يعني إحنا في الفترة دي ممكن نخلص الباطنة كويس جداً

يعني ممكن تلاقي حد من أول السنة مثلاً  
باديء الباطنة من أول السنة مثلاً شهر عشرة  
واحنا ممكن نخلص منهج قبله

ما أحنا بيقا عندنا ميزة حلوة جداً  
إيه هي بقا؟؟؟  
إن إحنا عندنا القدرة إننا نخلص منهج الباطنة  
ممكن مثلاً  
تلاتين مرة

ممكن نشرحها خمسين مرة ☺  
يعني الجدول اللي معاكم ده هو المرة الأولى

يخلص مثلاً على كام شهر ثمانية  
يعني مثلاً ممكن تدخل موسوعة جينيس للارقام القياسية  
الباطنة الي هي البعبع الحقيقي في كلية الطب  
الي هو لما جالك جواب التنسيق وانت في ثانوية عامة  
أعتقد كان راسمك جمجمة وعليها عضمين  
وقالك خلي بالك من الباطنة  
لو هتدخل طب خلي بالك من الباطنة

انت لو فاكيرين جواب الترشيح كان مكتوب على ظهره كده  
خلي بالك من الباطنة

فاحنا بنخلص الباطنة في شهر ونص ان شاء الله  
وعشان بعد ما نخلص الباطنة في شهر ونص  
نخلصها تاني

ونصيحة لله  
ذاكر الباطنة عشر مرات كروثة ( بسرعة يعني )  
شوف انا بقول ايه ؟؟  
يعني دي كلمة ميصحش انا اقولها  
لكن انا بقولها ذاكرها عشر مرات كروثة  
ومليون خط تحت كلمة كروثة  
احسن من مرة واحدة بتركيز

يا أما ناس ذاكروا الباطنة مرة واحدة كويس جداً  
وعند كل كلمة كانوا يفضلوا مثلاً ليالي  
ممكن مثلاً ال Heart failure انا اقعد فيه سنة  
وفي الاخر دخلوا ليلة الامتحان  
مجمعوش اي حاجة  
ولا كتبوا اي حاجة  
يقولك انا بذلت مجهود كبير  
ايون لانك مذاكرتش الباطنة كثير  
لازم تذاكر الباطنة كثير جداً  
لأن الباطنة معروف اننا هنشرح دلوقتي cardiology ان شاء الله  
وهي مش cardiology بس  
انت بتتكلم في كام branch  
عشر برانشات

ليلة امتحان الباطنة أصعب ليالي العمر  
خلي بالك  
هنخليها ليلة دولسي جداً إن شاء الله  
سهلة جداً

عايز بس أقولكم على حاجة  
أنا تحدي بيني وبين نفسي ، كنت خدت الطلبة قبل كده  
وقولتلم قبل امتحان الباطنة بيومين  
كلنا هنتقابل  
نتفق على مكان  
نتقابل الدفعة كلها  
نتكلم في أي حاجة ما عدا الباطنة  
دا كان تحدي بيني وبين نفسي

حتى رئيس القسم لما دخلهم قالهم يا جماعة  
الباطنة مش كده

على أيامنا ومن سنتين ثلاثة  
كانت ليلة امتحان الباطنة  
كنت تلاقي واحد مثلاً  
نزل يجري حافي في الشوارع  
واحد قفشوه طلعه من حمام السيدات  
يعني اللي هو ...

فاحنا فعلاً عايزين الباطنة  
تبقا قاعد ليلة الإمتحان مزاجك دولسي جداً  
قاعد مجمع المنهج كله في دماغك

بلاش القلق الشديد اللي إحنا بنشوفه كل سنة

النهاردا احنا ذاكرنا ال Liver المفروض تبقوا مذاكرينه جداً  
عشان كده في الامتحانات  
انا اسف في الحتة دي  
هيبقى فيه امتحان written  
لازم كلكم تيجوا تحلوا  
ولازم كلكم تيجبوا درجات كويسة  
معايا ولا مش معايا ؟؟  
وانا اسف في الكلمة دي

لن أتنازل عن إنكم تيجبوا درجات كويسة في الإمتحانات اللي إحنا عاملينها

الحصة اللي فاتت اتكلمنا عن ال Liver  
كان فيه مشكلة في ال Liver  
انا نفسي في بداية الحصة قولتلكم فيه صراع بيني وبين النفس  
النص اليمين يقولي متقدرش تشرح ال Liver في حصة

ونصي الشمال بيقولي تقدر تشرحه في حصة

أنا مش عارف تقريباً شرحنا ال Liver كله في حصة  
وباقى موضوع واحد بس الي هو ال Jaundice  
هنشرحه النهاردا إن شاء الله  
ولكن  
هل ال Liver كان فيه مشكلة؟؟

حد كان بيذاكر ال Liver لأول مرة  
الي كانوا بيذاكروا لأول مرة كان فيه مشكلة بالنسبالهم؟؟

يعني حسيتوا إنه فيه مشكلة؟؟؟  
ولا الأمور سهلة؟؟  
إن شاء الله سهلة وبسيطة ☺

على فكرة على فكرة  
مش معنى إني قولته كله في حصة  
إنه فيه كلام مش موجود  
أتحدى لو قولتلي كلمة مش موجودة

هو ده الي هيخلي الناس الي كانوا مذاكرين لتاني مرة  
قاعدين في حالة انفصام الشخصية

مين الي كان مذاكره قبل كده؟؟  
ذاكرت ال Liver قبل كده؟؟  
حسيتوا إنه فيه اختلاف؟؟؟  
انا بسالك على فكرة يا الي بتقرا؟؟  
حسيتوا فيه حاجة انا مقولتهاش الحصة الي فاتت؟؟؟

القضية هي  
إن شاء الله خلال تلت شهور  
نخلص منهج الباطنة تلت مرات  
وعلى فكرة  
كل مرة هبدأ  
وكأني مشرحتوش قبل كده ، بس الرتم هيكون اسرع شوية  
يعني ال Liver وال rheumatology في حصة

عشان قبل الامتحان بحوالي 15 يوم  
الي هو النهاردا هنشرحه منهج الباطنة مرتين

النهاردا هنتكلم عن ال

## Cardiology

هنشرح ان شاء الله في ال Neuro بالتفصيل الممل  
ال cardiology هيبقا مش بالتفصيل الممل  
لكن هنشرحه كويس ان شاء الله  
مش هنخلصه كله في حصة  
إفما هنخلصه كله في حوالي أربع حصص  
ليه بقا ؟؟؟  
لأن ال cardiology  
مهم جداً

مش مهم في النظري على فكرة ، يعني جايز في امتحان النظري  
أحياناً زيه زي ال rheumatology مثلاً  
إنت عارف إن ال rheumatology ممكن يبقا زيه زي ال cardiology  
كدرجات يعني

لكن مشكلة ال cardiology في الشفوي بس  
واخدين بالكم

حاجة زي الشفوي  
ممكن يبقا أول سؤال هتتسأله ، غالباً cardiology

معتقدش إنك لو غلطت في سؤال ال cardiology  
إنه ممكن يكمل معاك

يعني فيه حاجات كده  
فيه برانشات لازم تبقا فاهمها  
وحافظها ومستوعبها كويس جداً  
اللي هي ال cardiology

تركيز بقا غير عادي  
لأن أهم برانشات الباطنة  
هو البرانش اللي هشرحه النهاردا إن شاء الله  
أنا دائماً بقول كلمة  
إن 60 % من المجهود اللي هتبذله في الباطنة هتبذله في ال cardiology  
معايا ولا مش معايا  
ستين في المية

يعني اللي منكم مذاكر ال cardiology  
مذاكره كويس جداً  
ويجي يقولي أنا أسد في ال cardiology  
أقوله روح يا ممدوح أنت خصلت ستين في المية من الباطنة

وبقيت منهج الباطنة Neuro و endocrine و GIT و rheumatology و Infection و blood و chest  
كل ده أربعين في المية بس

يعني تركيز غير عادي بقا  
النهاردا هنبداً الحصة cardiology إن شاء الله

عايز أقول كلمة  
لما تيجي تتكلم عن أي مرض في ال cardiology  
فيه كلمة بس عايز أقولها  
عشان كتاب القسم الي نازل ايام ما كان بيشرح الدكتور احمد موافي كان بيقول نازل الشهر ده  
الغريبة إنه بدأ يتجه نحو الإسكيمات

أنا عزائي الوحيد  
إني منزل الكتب 2007  
يعني مثلاً أنا لو كنت الكتب دي نازلة من زمان  
كانوا هيقولوا In capsule series هي الي خدت الفكرة  
إفها هما للأسف شكلهم قريين In Capsule Series كويس جداً وبدأ يبقا فيه إتجاه للإسكيمات

يعني مثلاً  
ال arrhythmia لقيتهم عاملين إسكيم  
ال rheumatology عاملين إسكيم في الاول  
معايا

انا مش عارف لما هما عابزين اسكيمات كانوا يقولولي  
الي هو ادي العيش لخبازه

لكن هما فعلاً واخدين ال attitude ده

هنبداً نشرح أول حاجة في ال cardiology  
لما نيجي نتكلم عن أي مرض من أمراض ال cardiology تخلي بالك إننا عندنا عنوانين مهمين جداً  
الي هما clinical picture وال investigations  
هنبداً بال clinical pictures

## clinical pictures

يوم ما تتزق والدونيا ( الدنيا يعني متركزش ☺ )  
تسود في وشك ، ومتفتكرش أي حاجة في الإمتحان ،  
هنسبها ولا هنتصرف ؟؟؟  
هنتصرف

هنتصرف إزاي ؟؟؟  
عن طريق إن ال clinical picture بتاعت أي مرض في ال cardiology سبع حاجات  
أصل رقم سبعة رقم مهم جداً



اول حاجة في السبع حاجات

هتكتب

Manifestations of low cardiac output

يعني أول حاجة يوم ما تتزق

أي مرض هيجي أدامك هتكتب Low cardiac output

ومعتقدش فيه واحد قاعد معرفش يعني إيه low cardiac output ؟؟

يعني كمية الدم الي خارجة من القلب في الدقيقة هتقل شوية

Low cardiac output

هيشنكي من كام حاجة ؟؟؟

بيشتكي من سبع حاجات برودو

أصل رقم سبعة رقم مهم جداً

وابداً من فوق لتحت بقا

نبدأ أول حاجة بقا

١. الدماغ : لما يوصلها دم قليل ،

أوعي تاخديني في الإسرائيليات الي عندكم دي ، أوعي تقولي headache ومش عارف إيه blurred of vision

مش عايز أنا الكلام ده خالص ،

أنا عايز الكلمة المهمة الي هي Syncope

يبقا أول كلمة syncope

٢. أنزل لتحت شوية هتلاقي القلب

لما كمية الدم الي رايحة للقلب تقل

يبقا فيه ischemic heart disease

٣. أنزل لتحت شوية

تلاقي الكلية

يبقا كلمة واحدة الي هي Oliguria

٤. وبعدين اتنين بحرف ال S مهمين جدا

والجسم كله مفيهوش إلا كلمتين بحرف ال S

الي هما ال skin

٥. ال skeletal muscle

ال skin هيبقا إيه ؟؟؟؟ pale and cold

وال skeletal muscle هتبقا إيه ؟؟؟ fatigue و claudication

أنا عايز منك في أي مرض في ال cardiology

خط كده تحت كلمة fatigue and intermittent claudication

يعني عضلاتك كلها لما تبذل مجهود

بتضطر تقف تريح شوية وهكذا

٦. بعد كده يتفضل ال pulse

٧. ال blood pressure

ال pulse هيبقا ماله ؟؟؟؟ ضعيف

وال blood pressure هيبقا ماله ؟؟؟ هيبقا قليل شوية

low cardiac output ال دول السبع حاجات بتوع ال

يقوم واحد من الي هما بتوع علم الصعابيات  
أنا عايز أقسمها بقا symptoms and signs  
أقوم أرد عليك أقولك إيه  
طلع من السبع حاجات دول ال signs  
لو انت عايز تتكلم عن ال signs  
أو طلع منهم ال symptoms لو انت عايز تتكلم عن ال symptoms

ما هي ال signs of low cardiac output ???

طلعهم من السبع حاجات

الدقيقة 10 : 9

ربنا ييسر إن شاء الله

ورجعتم تاني ☺ بعدها بكام يوم كده ☺

ونرجع للدقيقة 10 : 9 على بركة الله

وأنا أعتقد إنني في حاجة إني أطلعهم من السبع حاجات

بص على الحاجات الي تتطلع signs وقولها

1. Syncope

2. Ischemic heart disease

3. Oliguria

4. Pallor

5. يحصل إيه كمان ؟؟؟

fatigue and intermittent claudication

6. Pulse

7. Blood pressure

واحد يقول ال signs إيه هي ؟؟؟

أرد عليك وأقولك signs of low cardiac output

الي هي دراع وشفافيف

يعني قوله كده في الشفوي لما يجي يقولك

تعرف يا ابني تقولي ال signs of low cardiac output ؟؟؟

ال signs بس ؟؟؟

ترد عليه وتقلوه : دراع وشفافيف

أنت واخذ بالك ، كلمة رومانسية جميلة في امتحان الشفوي

دراع وشفافيف الي هو إيه ؟؟؟

هتسلم عليه هتلاقيه cold

هتراجع لورا شوية تحس ال pulse هتلاقيه ضعيف

ترجع لورا شوية تقيس الضغط تلاقيه قليل

تشوف ☺ شفافيفه تلاقي cyanosis

يبقا هما دول ال signs of low cardiac output

أعتقد إنهم أربعة وأعتقد إنهم مش خمسة

يبقا ده كده ال Low cardiac output

رقم اثنين

يقولك Manifestation of ايه ???

Pulmonary congestion

إيه رأيكم نخليها Lung congestion

لو حد معترض مش مشكلة

ولا نخليها Pulmonary ولا Lung

الي أنتوا عايزينه

أنا شخصياً بفضل ال Lung congestion

احتقال الرئة بالدماء

بفضل ال Lung ليه ???

لأنها هتكتبها فقط عندما تكون المصبية فين ??? في ال Left side من القلب

يبقا Lung تفكر بال left

أي حاجة في الجهة اليسرى من القلب وأنت مغمض تقوم مشمر وكاتب lung congestion

ال lung congestion

أنا مش جاي أقول إيه هما ???

لما الرئة تحتقن بالدماء ، إيه الي هيحصل ??? أكيد أنتم عارفين

يلا حد يقولي سبع حاجات كده

عايز أسمع أول واحدة بس

أنا بقولكم أوعى تقول رقم

ولكن إذا ذكر ال cardiology ذكر ال dyspnea بكل أنواعها

يعني تقولي يعني إيه بكل أنواعها. ....

أقولك لما نيجي نشرح ال dyspnea هنبقا نفهم وخصوصاً نوع من أنواع ال dyspnea

الي specific لل left sided heart failure

لما تيجي تدخل الامتحان الشفوي يروح قايلك

تعرف تقول العرض الوحيد الي specific لل left sided heart failure

لما تيجي تبص على الأعراض كلها لما نيجي نشرح ال Left sided heart failure

مش هتلاقي ولا عرض specific إلا ده

مش ال dyspnea فقط

ولكن نوع من أنواع ال dyspnea

اسمه إيه ???

Paroxysmal nocturnal dyspnea

بعد كده أبقا إنسان ممل جداً لو قولت بقيت السبع حاجات

أنت تعرف تألفهم كويس

أنت لو جيت واحد ( لا داعي للغيبة ☺ ) وقولته قول يا حبيبي ☺ تعرف تقول السبع حاجات بتوع ال Lung congestion

هيقولهملك كلهم

الي هما ال dyspnea

وبعد كده الرئة محتقنة بالدماء يبقى فيه إيه ???

Cough

فيه hemoptysis

يبقا فيه إيه كمان ???

Recurrent chest infection

فيه congestion يبدأ ينشع في ال pleura يعملك pleural effusion

فيه congestion لو وصل لحالات ال acute بقا

يبدأ ينشع في ال alveoli يقوم بعملك pulmonary edema

طبعاً أنت متخيل إنت ماشي في الحياة

وفيه مية موجودة في ال alveoli

تقوم تتحول إلى إيه ???

شيشة apparatus

ما هو ال mechanism of شيشة كده

ولا أنتوا متعرفوش كده ???

طبعاً طلبة كلية الطب معرفوش الشيشة طبعاً

أنا أسف إن أنا بفتح عينيكم على حاجة زي كده

وهو أنا ممكن ممكن غصب عنك وأنت معدي سمعت صوت شيشة

فقلت إيه الصوت الغريب ده ???

فقام المعلم قايلك : على فكرة دي شيشة

تقوله الصوت ده بيطلع إزاي ???

يقولك : أصل فيه هواء أنا بشده بيعدي على مية

تقوله : زي بالظبط ما أنا عندي مية في ال alveoli

بتنفس هواء

يبقا صوت الشيشة اللي هو اسمه إيه ???

crepitation

بعد كده

دول السبع حاجات بنكتبهم لما تكون المصيبة في الجهة اليسرى من القلب

تقولي أومال لو المصيبة في الجهة اليمنى أكتب إيه ???

ده systemic congestion

وال systemic congestion

كام حاجة ??? سبع حاجات

أبقى إنسان ممل جداً وبني آدم غير عادي لو قولتهم

هما سبع حاجات ومش قايلهم

لأنه هيخلي الجسم كله ما عدا الرئة يحصل فيه congestion

وشوف إيه اللي يحصل

بس أوعى تبدأ بأي حاجة غيرالدماع  
لأن أهم حاجة في الدنيا ( أهم حاجة في الدنيا إيه ؟؟؟ ) الدماغ  
برافوا عليكم

الدماغ هيبقى فيه إيه ؟؟؟

الدماغ لما يبقا فيه دم كثير

يبقا فيه كلمة Insomnia

انزل لتحت شوية

الرقبة congested neck vein

والرقبة تفكرك بالرجل

ما احنا عندنا اتنين بحرف الراء ( ر ) الرقبة والرجل

الرجل هيحصل فيها إيه ؟؟؟

Edema lower limb

عايز منك خط تحت كلمة edema lower limb

يبقا في ال Low cardiac output

قولنا خط تحت كلمة fatigue

وفي ال Lung congestion كنا بنحط تحت كلمة ischemia

وفي ال systemic congestion كنا بنحط تحت كلمة edema lower limb

بس متنساش تقولي then ascites

أنا عايز أسأل سؤال ومش عارف هتحيطني ولا هتجاوبوا ؟؟؟

هي ال edema دي pitting ولا Non pitting ؟؟؟

Pitting

طيب دي bilateral ولا Unilateral ؟؟؟

غالباً bilateral

غالباً ، ولكنها قد تكون Unilateral برديو

المهم عشان لما نيجي نشرح ال heart failure

هنقولك إثنين بحرف ال P

Pitting وإيه كمان ؟؟ bilateral

انزل لتحت شوية

أو مش تنزل لتحت شوية

حد يكمل يلا السبعة

ال insomnia وبعد كده congested neck vein

وبعدين edema lower limb then ascites

يبقا باقي كام حاجة عشان نكملهم سبعة ؟؟؟

أربع حاجات

أول حاجة sweating on slight activity  
واحد عنده systemic congestion  
يعرق من أقل مجهود  
وحتى أكتب بين قوسين ( بالظبط زي لعبية نادي مين ؟؟؟ الزمالك )  
اللي هما أول خمس دقائق تلاقي عرق  
عشان كده بيتغلبوا كام ؟؟؟ بيتغلبوا بالسنة برافوا عليك  
( محدش يزعل لو زملاوي عادي 😊 )  
يبقا ده اللي هو systemic congestion  
بيعمل إيه يا جماعة sweating on slight activity

ال Liver  
هيبقا عامل إزاي ؟؟؟  
كالبالونة 😊  
ومش جاي أقولك البالونة عاملة إزاي بقا ؟؟  
Enlarged لا soft لا smooth لا round edge  
لا tender  
ما هي البالونة بتفرقع  
وال Liver يوجع

بعد كده ال GIT  
كلمة واحدة بس اللي هي إيه ؟؟؟  
dyspepsia  
اللي هو ساعات تلاقي إسرائيليات بقا  
Dyspepsia  
وبعد كده Heart burn  
وبعد كده diarrhea  
وبعد كده ....  
ما كل ده اسمه dyspepsia  
أي عرض related لأكلة اسمه dyspepsia

وبعد كده هيحصل كلمة ممكن تجيبك Heart failure دلوقتي  
لما يحصل systemic congestion  
ممكن يحصل Pleural effusion  
تقولي إيه ده ؟؟؟ Pleural effusion مع ال systemic congestion ؟؟؟ !!!!  
أقولك : أه

ما هو أصل ال pleura كام طبقة ؟؟؟  
طبقتين  
ال visceral تبع ال Pulmonary circulation  
إها ال Parietal تبع ال systemic circulation

يعني إنت لو جالك Left أو right  
أي مصيبة في ال Left أو ال right  
يجيبك إيه بقا ؟؟؟  
Pleural effusion

دول كده اللي هما السبع حاجات اللي إحنا قولناهم بتوع ال systemic congestion

١. Low cardiac output هنكتبها بنسبة مية في المية في الإمتحان

لأن لازم يجيبك سؤال في ال cardiology

وسواء يمين أو شمال

Manifestation of low cardiac output هنكتب

٢. Lung congestion

هنكتبها بنسبة خمسين في المية

لأن بس هنكتبها عندما تكون المصيبة في الجهة اليسرى

٣. وبعد كده ال systemic congestion

هنكتبها بنسبة خمسين في المية

لأن بس هنكتبها عندما تكون المصيبة في الجهة اليمنى من القلب

لو دخلت الإمتحان ومعرفتش

جالك سؤال Pericardial effusion

معرفتش هو يمين ولا شمال ؟؟؟

هو طبعاً ال Pericardial effusion يمين

لكن أنت معرفتش

أنت قولت ال Pericardial effusion

يعني فيه مية حوالين على القلب من كل الجهات

خلاص شمر وأكتب الأثنين ( عملت كده في كل الامتحانات )

أو أسأل اللي قاعد جنبك

يا ممدوح يا ممدوح يا ممدوح أنا مش عايزك تغششني

أنا عايزك تقولي بس

هي يمين ولا شمال ؟؟؟؟

والله لو ممدوح هو اسكيمية بس وميعرفش

خلاص اكتب الأثنين وخلاص

يعني هنعمل إيه يعني ؟؟؟؟

هننحرف في الإمتحان

واحد Low cardiac output

اتنين systemic congestion

رقم ثلاثة Lung congestion

رقم أربعة نفسي ألاقى مبرر منطقي يخليك متقولش رقم أربعة اللي هي إيه ؟؟؟

chest pain

وال chest pain على فكرة

لما نيجي نعلق عنه النهاردا

لما نيجي نتكلم عن ال angina

هنتكلم على سبع حاجات برودو

وبعد كده رقم خمسة Palpitation  
أنا معاك إن ال arrhythmia أكثر مرض يجيب Palpitation  
لكن اتزنقت في الإمتحان اكتب Palpitation مع أي مرض تطلع صح

رقم ستة : نفسي ألاقى سبب منطقي متقولش رقم ستة  
قلبك باظ ، تعب لأي سبب كان ،  
يعني إيه تعب ؟؟؟  
يعني مش قادر يطلع دم

يعني إيه مش قادر يطلع دم ؟؟؟؟  
يعني الدم مستنى جوا القلب

يعني إيه الدم مستنى جوا القلب ؟؟؟  
يعني القلب إيه يا جماعة ؟؟؟؟  
يعني القلب يكبر شوية  
bigger not better  
القلب الكبير مش حاجة حلوة  
والقلب التعبان هو بس اللي بيكبر قبل ما بيتعب  
وعشان كده  
قلبك كبر

وأي حاجة بتكبر في ال Mediastinum  
خدتوها في سنة أولى طب  
أي حاجة تكبر جوا ال mediastinum  
بتعملي تلت حاجات  
اللي هي pressure manifestation  
يضغط على حاجة كده اسمها ال trachea أو ال Lung  
يعملك إيه ؟؟؟ dyspnea و cough

يضغط على ال esophagus  
يعملك إيه ؟؟؟ dysphagia

يضغط على Nerve كده  
مش عارف أنتوا عارفين إسمه ولا لا ؟؟؟ اسمه left recurrent laryngeal nerve  
يعملك Hoarsness of voice

هو ال Left recurrent laryngeal nerve  
هو فيه right ؟؟؟؟  
أكيد يا عم الحج ☺  
هو فين ال right ده ؟؟؟



مبينزلش لتحت كده

يبقا واحد Low cardiac output

اتنين Lung congestion

تلاتة systemic congestion

.٤ Chest pain

.٥ Palpitation

.٦ Pressure manifestation

.٧ هنا متقولوش رقم سبعة

واحد مبيتحركش

هيبقا عنده إيه يا جماعة

stagnation of blood

وبالتالي عنده thrombo embolism

وأنت ونصيبك بقا

الجلطة مش عارف تيجي في عينيك تعميك

في دماغك تشلك

أنت ونصيبك بقا

يبقا إذاً دول السبعة اللي يوم ما اتزنق أقوم كاتبهم

على فكرة اللي أنا بعمله ده غلط

لأن أقول إسكيم في أي برانش

لكن في ال cardiology ميصحش إني أقول فيه إسكيم

لكن أهو بنقوله

يعني أنت لو ذاكرت كل حاجة

ودخلت امتحان وجالك سؤال يقولك clinical picture of مثلا cardiac tamponade

وأنت مش مذاكر الصفحة دي

ذاكرت ال cardiology كله

وتكتبه كده في الامتحان

بدل ما تقوله والله العظيم ذاكرت ال cardiology كله

ما عدا الصفحة دي

هنقوم مشمرين وكاتبين الكلام ده

يديلك كام في المية من الدرجة ؟؟؟

ثمانين أو تسعين في المية من الدرجة

حلو أوووي

السؤال اللي أنت مش عارفه

أصل مش معقولة مش هتعرف كل الأسئلة اللي في الإمتحان يعني

السؤال اللي أنت مش عارفه

هتجيب فيه ثمانين في المية من الدرجة

طب ما دا كويس جداً

معايا ولا مش معايا ؟؟؟

فده كده الي هو ال clinical picture

طبعاً مش زي ال rheumatology

ال rheumatology

الاسكيمية بتاعته

كانت مية في المية من الدرجة

لكن هنا انت بتتكلم في ال cardiology

معايا ولا مش معايا ???

أدخل بعد كده على ال Investigation

## Investigation

ال Investigation في أمراض ال cardiology

مية في المية من الدرجة

لو عايز تكتب توقيع تحت الكلمة دي

أنا ساعات بقعد أوقع لكل واحد

أحمد موافي أحمد موافي

لأن أنا فعلاً عندي قناعة كاملة

إن ال Investigation في النظري

سهلة جداً

جايز في الحياة الواقعية تبقا صعبة جداً

لازم تتعلم ECG

لازم تتعلم ECHO

ولو مثلاً اتعلمت angio يبقا حاجة كويسة جداً

ولكن نظرياً الكلام سهل أووي

أصل أي مرض في أمراض ال cardiology هنكتب كام حاجة ????

وعايزين نتفق مع بعض إتفاق

إن أنا هقول ال Investigations

دلوقتي

وتوعدوني إن محدش طول العمر هيبص ☺ على كلمة في ال Investigations

معايا ولا مش معايا ??

يعني مثلاً إنت تشوف ال Investigations

بعد كده

في كل أمراض ال cardiology

كام حاجة ????

هما أربع حاجات

مفيش غيرهم

١. X-ray

٢. ECG

٣. ECHO

٤. Catheterization

واحد يقولي : هو أنا هاكتبهم كده في سطر واحد وخلص ؟؟؟  
أقوله : لا

أكتب تحت كل واحدة منهم بؤين كده

يعني كلهم على فكرة

بيعملوا نفس الحاجات

To detect the cause and to detect chamber enlargement

بس كده

Detect the cause

وكمات detect the chamber enlargement

بس ال ECHO عشان بجيب القلب وهو بيلعب أدامك

فاكتب كمان إنه كمان detect paradoxical movement of the myocardium

ما هو أصل أي مرض هيبوظ حركة القلب

paradoxical movement of the myocardium يقوم بعملك حاجة اسمها

تقولي : بس كده ؟؟؟ ومش هتعلم أي حاجة في ال ECG

في أي مرض أكتب ECG

To detect the cause and detect chamber enlargement

ولكن

هتحتاج تعرف ال ECG بتاع أربع أمراض

يعني جايز وأنا بشرح الأربع أمراض دول هركز عليهم

إنما غير كده

إنت مش محتاج تعرف أي حاجة

ال ECG بتاع كام مرض ؟؟؟

أربع أمراض

١. Angina

يعني ال ECG بتاع ال angina

لازم تعرفه كويس جداً وتكتبه في الإمتحان كويس جداً

٢. Myocardial infarction

وده صعب ،

على فكرة إحنا هنقسمه كام نوع ؟؟؟

نوعين

٣. بعد كده حاجة اسمها dry pericarditis

٤. وبعد كده ال arrhythmia

بس ال arrhythmia ال ECG بتاعها

دي اسكيم كبير أووووووووي

هنسهله بردو إن شاء الله

أربع ECG بس الي هت حفظهم

وغير كده

أي مرض ثاني متبصش ☺ على ال ECG خالص

وأنت بتكتفي بتكتبي detect the cause and detect chamber enlargement

بس كده

واحد يقولي : إحنا كده خلصنا ال investigations ؟؟؟

أقوله : لا ،،، لأن عمر ما كان الطب بالسهولة دي

يقولك : لو كان المرض myocardium infarction

هنزود حاجة

حاجة الي هي إيه بقا ؟؟؟

ال cardiac enzymes

بس تزودها فين ؟؟؟ رقم واحد

طب أنا لو قولتها رقم اتنين أخذ كام ؟؟؟

يبقا أحسنلك متزودهاش

يعني الي هيزودها رقم اتنين

أو رقم خمسة

يبقا أحسنله ميزودهاش

يعني في ال Myocardial infarction

واحد cardiac enzymes

طب اتنين وثلاثة وأربعة وخمسة

ابقا اكتب الحاجات دي

وان كان الأهم هو ال ECG زي ما هنبدأ نشوف إن شاء الله

بعد كده لو كان Infective endocarditis

هنزود إيه ؟؟؟

هنزود إيه في ال infective endocarditis ؟؟؟

ال culture

طب لو كان المرض pulmonary

الدقيقة 40:20

ما شاء الله القطر النهاردا واخذ الطريق صاروخ إيه ده ؟؟؟

طب انزل عشان انا مروح بقا  
واقابلکم في البيت إن شاء الله ☺

ورجعت مرة ثانية بحمد الله رب العالمين  
البيت بقا وكده ☺  
وقعدت بعدها بكام ساعة كده أهو عشان أفرغ إن شاء الله  
طب لو كان المرض pulmonary embolism  
هنزود تلت حاجات للطالب العادي  
أربعة للطالب الديناصور  
سهلة كده

يبقا لو كان المرض myocardial infarction  
هنزود حاجة

لو كان المرض infective endocarditis  
هنزود حاجة

Pulmonary embolism لو كان المرض  
هنزود ثلاثة  
ايه هما الثلاثة ???  
يبقا هنقولهم بقا مع ال Pulmonary embolism  
بس وأنا بشرحه  
تقولي إيه هما التلت حاجات الزيادة  
ولو فيكم واحد ديناصور طب منقرض  
هنزودله كمان واحدة يبقوا أربعة

معايا ولا مش معايا ???  
يبقا إذا في ال Pulmonary embolism  
نزود أربعة

خلاص يا جماعة

..  
ولو كان المرض dissecting aorta  
بنزود حاجة  
الي هي إيه ???

CT  
ولو أنت عايز تبقا إنسان ديناصور فعلاً  
اكتبه angio CT  
CT بالظبط  
أنتوا واخدين بالكم  
ولكن CT وخلاص في ال dissecting aorta

على فكرة اللي منكم قاعد دلوقتي  
ذاكر ال dissecting aorta مليون مرة  
ممکن مطلعش أو مش فاكر الحتة دي  
لكن ، اللي مذاكر الاسكيم هيفضل طول عمره فاكر ان في ال dissecting aorta  
لازم نعمل إيه يا جماعة ؟؟  
نعمل CT

خلاص دا الاسكيم كان اساسيات الطب بتقول كده

ولو كان المرض constrictive pericarditis  
هنزود حاجة اللي هي إيه بردو ؟؟؟  
الي هي CT بردو

معايا ؟؟

يبقا إحنا كده خلصنا ال Investigations  
واكتب الكلمة دي لو سمحت يا دكتور ويا دكتورة في كتابك  
بالعربي

ومن النهاردا مفيش Investigations  
والي هيصع وقت في ال Investigations  
يروح يذاكرها بردو  
وقال يعني ضميره صاحي أوووي

..  
عالموم أنا قولتلكم قبل كده الضمير أتخلق لأصحاب النفوس الضعيفة  
يعني الي هيذاكر ال Investigations  
أنا عندي بدل ما تذاكر ال Investigations  
ذاكر ال treatment أحسن

بدل ما تذاكر ال Investigations  
ركز على ال etiology  
الي ممكن يجيلك سؤال لوحده

إمها متضيعش وقت في حاجة خلصانة بقا

...  
هتقولي : هو أنت مش هتزوج أي حاجة وأنت بتشرح المواضيع في ال Investigations  
أقولك : ممكن أزود ،

لكن لما أزود ، هتبقا حاجة ديناصور الطب المنقرض ، لا مش ديناصور الطب المنقرض ،  
دا واحد الي هو فيه أعلى من ديناصور الطب المنقرض  
بتهيالي مفيش

يعني أنا بشرح Heart failure وبزود حاجة كده  
فدي الحاجة الي هي  
انتوا عارفين الكائنات القديمة الي انقرضت دي

الديناصورات الي بأجنحة الي كانت بتحلق دي  
ممكّن ، ولكن حاجة هاقولها هتزوودها ومش هتفتكرها في الإمتحان

..

إن بي من كلام الدكتور موافي  
ليه هتذاكر حاجة مش هتفتكرها في الإمتحان

...

هتبقا حاجة الي هي ايه ؟؟

الاسرائيليات

لا أنا مش هزود

ولو زودت متكتبش الحاجات الي هتزوودها

أعرفها كده في دماغك

وخلص ، افكرتها افكرتها ، مفتكرتهاش مفتكرتهاش

من النهاردا مفيش investigations

...

يعني معنى كده

إني أذاكر إيه في ال cardiology ؟؟؟

ال definition

ال etiology

ال clinical pictures

ال differential diagnosis

ال treatment

معايا

وفيه اتفاق اتفقناه مع بعض

ونبدأ نتكلم على أمراض ال cardiology مرض مرض

إن شاء الله

وجايز النهاردا عايزين نبطأ الريتم

مش زي المرة الي فاتت

خلصنا ال Liver كله

عايزين فمشي بريتم ،....

على فكرة أنا هامشي بريتم بطيء ، يعني أنا ممكن أخلص المنهج كله بتاع ال cardiology في حصة

زي ال Liver

وعلى فكرة هيبقا كويس ، يعني هيبقا زي ال Liver كده

لكن ، أنا مش هأعمل كده عشان أنت تلحق تذاكر

يعني أنا هأحاول إني أبقي ممل شوية

عشان تلحق ايه يا جماعة ؟؟؟؟ تلحق تذاكر

أنا ممكن اخلص منهج الباطنة كله

والناس الي بادئين من أول السنة لسه مخلصوش

يعني ، هي الفكرة في حاجة بيقا إعجاز

هتلاقي مثلا ناس بادئين في شهر عشرة ، لسه مخلصوش وإحنا خالصنا للمرة الثانية إن شاء الله

الي هو كده يا أولاد

هنبدا نتكلم دلوقتي نبدأ ب heart failure ولا angina ؟؟؟؟

وكل موضوع هنشرحه هنقول أسئلته بعد ما نشرحه إن شاء الله

بس خلي بالكم بقا ، فيه خبر وحش في ال cardiology  
إن أنا هاقعد أشرح كل موضوع ، هتفأجأ إن الأسئلة الي بتيجي عليه لازم كلها فيها تگات  
يعني جايز ال endocrine لما أذاكره  
هتيجي تقولي : على فكرة إنت مقولتش الأسئلة  
أقولك : يا ابني مش محتاجة أسئلة في ال endocrine  
أنت مذاكر خش الإمتحان يلا  
يعني مشوفش أسئلة ؟؟؟  
لا متشوفش

يعني مفيش لف ودوران ؟؟  
مفيش

طب ال Infection ؟؟  
مفيش  
طب ؟؟؟ مفيش

طب ال cardiology ؟؟؟  
أنت ممكن تبقا مذاكر ومتعرفش تحل  
لأن فيه أسئلة بتبقا لافة ، وفيه أسئلة لو أنت مذاكر كويس جداً ، تنقص عشان معلومة أنت مكتبتهاش وأنت عارفها  
واخدين بالكم ، فده عيب ال cardiology  
عشان كده هأهتم إن شاء الله  
هشرح كويس جداً الموضوع ، لكن الجزء الأكبر في الحصة هتلاقوه إزاي بقا ؟؟  
الأسئلة الي بتيجي على الموضوع ده

معلش يا جماعة ال cardiology طبعاً branch سخييف عشان عايز إستيعاب  
عالي جداً ، الله يخليكم ركزوا معايا ، ونبدأ أول موضوع الي هو heart failure

## Heart failure

ال heart failure  
هنقول فيه definition  
بعد ال definition هنقول ال etiology وده مهم جداً ال etiology بتاع ال Heart failure  
وعايز أقولكم على حاجة ، فيه تلت أمراض عندنا ال etiology لازم تكون مذاكره كويس جداً  
تكون حافظه صم  
الي هو ال heart failure  
وعايزك كمان تكون حافظ ال etiology بتاع ال Hyper tension  
دول أهم أثنين  
وعايزك كمان ischemic heart disease

الثلاثة دول تحفظهم صم  
فال etiology هنتكلم عليه كويس جداً إن شاء الله  
وال etiology ومشتقاته  
أصل فيه حاجات تبع ال etiology



Pathophysiology ال

cardic reserve ال

زي الحاجات الي هنتكلم عليها في ال etiology إن شاء الله

وبعدين ال clinical pictures

وبعدين هتغلطوا وتقولوا إيه؟؟؟ مفيش investigation في ال cardiology

أنا مش هتكلم عن ال Investigations

أو الي هيتكلم وكأن ال Investigations كأنهم break

أه ، يعني خليه يتكلم عن ال Investigations موضوع كده يفوقنا كده

عشان تفوق بقا في

ال treatment

وبعد ما نخلص الأسئلة المهمة إن شاء الله

ولا نبدأ بالأسئلة المهمة الأول عشان تبقا معنا ؟؟؟

نشرح الأول إن شاء الله

أول حاجة definition of heart failure

## Definition

أقول إيه في ال definition بتاع ال heart failure ؟؟؟

١. ال definition of heart failure الي هو إيه ؟؟؟

هو عبارة عن syndrome in which the heart can't maintain adequate cardiac output

بس كده

يبقا هو عبارة عن clinical syndrome in which القلب

مش قادر يودي احتياجات الجسم

can't maintain adequate cardiac output

وطبعاً أنا مش محتاج أقولكم إن كلمة adequate

أحلى بكثير من كلمة Normal cardiac output

لأن ثاني كلمة عندكم في الكتاب

قالك : فيه حاجة اسمها high cardiac output heart failure

ثاني كلمة خلي بالك

إن فيه حاجات بتعمل High cardiac output heart failure

إيه ده ؟؟؟؟!!!!

يعني أنا عندي cardiac output كثير أكثر من خمسة لتر وعندي Heart failure ؟؟؟!!!!

أقولك أيون

الناس الي عندهم أنيميا

عندهم دم كثير ، بس يا فرحتي ، دم من غير هيموجلوبين  
هو الدم إيه غير شوية هيموجلوبين ،  
heart failure وعنده  
High cardiac output وعنده

أقوله : خلي بالك ، عشان كده مقولتش إيه بقا ؟؟؟  
مقولتش normal  
إمّا قولت adequate cardiac output

كلمة adequate  
كلمة تحس إنها كلمة ذات مغزى ،

يبقا syndrome in which the heart can't maintain adequate  
وتروح حائط adequate في دايرة  
cardiac output

لكن هل كده ال definition of heart failure خلص ؟؟؟  
يقولك : زودلي كلمة ، عشان تبقا طالب ديناصور بقا  
In spite of normal ventricular filling قوله :

يعني إيه الكلمة الغريبة دي ؟؟؟  
يعني أنا مش قادر أطلع الدم اللي يوافي إحتياجات الجسم  
على الرغم من الدم اللي وصلني في قلبي كويس ،  
على الرغم إن ال ventricle ملى كويس ، ومع ذلك مش قادر يطلع دم

ما هو أصل في حالات ال shock  
ما هو الدم اللي بيبقا واصل للقلب إيه ؟؟؟  
قليل  
ما هو الطبيعي الدم اللي خارج منه هيبقا إيه ؟؟؟  
قليل

هل هيبقا ده اسمه Heart failure ؟؟  
أقولك : لا

وعشان كده الكلمة اللي تحتها مليون خط  
In spite of normal venous return

أو الطالب الديناصور  
يكتبها بطريقة أشيك  
In spite of normal إيه يا جماعة ؟؟؟

ventricular filling

ادخل على العنوان الثاني الي هو ال etiology

## ***Etiology***

أنا مش هاقول ال etiology  
وأنت متكتبش ال etiology في الامتحان  
غير لما تحفظ جملة  
إيه هي الجملة دي ؟؟؟  
إن أهم سببين يعملوا Heart failure

نبدأ أولاً بالنسبة لل right ولا ال left sided heart failure ؟؟؟  
Left sided heart failure

وتعالوا مع بعض ( نتخيل الله يكرمكم ) نرسم القلب أهو  
نبدأ بال Left  
والله العظيم يا جماعة  
ما أنا قايل الأسباب إلا لما تحفظ جملة  
إن أهم سببين في العالم  
" على فكرة الأولويات مهمة في الإمتحان "  
يعني ممكن تبقا كاتب الأسباب كلها صح ، وتلاقي نفسك نقصت ،  
طب أنا نقصت ليه ؟؟؟!!!! دا أنا كاتب الأسباب كلها  
أيون ، بس أنت مكتبتش الأولويات  
يعني أهم سببين في أي etiology في المنهج  
the most common causes are لازم  
وتقوم كاتب أهم سببين مثلاً

أهم سببين هنا إيه ؟؟؟

١. Coronary heart disease

٢. Hyper tension

عشان لو ملقتش وقت ، أنا عايزك تكتب السببين دول بس ،  
يعني افترض إنه مفيش وقت ، أو افترض السؤال مجاش etiology مباشر  
أو ال etiology

أو جالك clinical pictures

ما فيه Item اسمه clinical picture of the cause

لما تيجي تقولي : أكتب إيه في ال clinical picture of the cause ؟؟؟  
أبقا إنسان أحقق ، لو قولتلك : أكتب ال cause  
لكن أقولك : أكتب أهم سببين  
اللي هما coronary heart disease رقم واحد

ورقم اثنين ال hyper tension

وعايز أقولك على حاجة بقا

كل الناس اللي هتشوفهم في حياتك عندهم Heart failure

هيبقا بسبب المرضين دول

وبقيت الأمراض كلها إسرائيلية ،

لكن ، واحد يقولي : أنا عايز الإسرائيليات اللي بتقول عليها دي ،،،

أقولك : تعال نبقا كالدكاترة الباردة جداً ،،، اللي يجي يقولك إيه ؟؟؟ وخلي بالكم يا جماعة

إن إحنا عندنا ال Left side of the heart ده عبارة عن إيه ؟؟

left ventricle و left atrium

أولاً الحاجات اللي تبوظ ال Left atrium مش قايلها ،،،

ليه مش قايلها ؟؟؟ لأن ال atrium بتاعك باظ

ما يبوظ في ستين داهية

دا مسموش left sided heart failure

ما هو أصل % 70 من الدم بينزل بتأثير ال pressure gradient

محدث يجي يقولي : إلحقني يا دكتور ، مش أنا عندي ال left atrium بايظ

فيه failure

أنا عندي القلب ،

أقوله : لا إنت معندكش القلب

ال left atrium ليس Essential for life

صح ولا غلط ؟؟؟

شيل ال left atrium خلاص مش عايزه

إذا مفيش حاجة اسمها left atrium failure

اللي بيعمل ال left atrium failure

الجماعة اللي عندهم فراغ عاطفي رهيب

يقولك : لا أنا عايز أعرف الحاجات اللي بتعمل Left atrium failure

أقولك : Mitral stenosis مثلاً

الدم مش عارف ينزل ، يقوم يتحوش هنا ، يقوم مكبر ال left atrium

وأنا قولتلك bigger not better

صح ولا غلط ؟؟؟

هل ده عنده Left sided heart failure

لما أجي أشرح ال Mitral stenosis

هقولك : اللي عنده Mitral stenosis إنه ال valvular heart disease

الوحيد اللي related للجهة الشمال

ومبيعملش left sided heart failure



يعني الحاجات الي بتزود ال Left ventricle  
لا الحاجات دي لازم تكون عارفها  
Left ventricular failure ال بتبوظ ال  
مش عايز أطول فيها  
لأنكم عارفينها  
يعني حاجة من ثلاثة  
في كتاب القسم عاملهم أربعة  
مزود حاجة رابعة ملهاش أي قيمة

بصوا ☺ يا أولاد  
ما هو حاجة من ثلاثة  
ايه هما بقا الحاجة من ثلاثة ؟؟؟؟  
يا أما Myocardial disease عضلتك تعبانة  
أظن بقا محدش موافق يقولي : العضلة تعبانة قولي الأمراض الي تبوظ العضلة ، لأنني هرد عليه وأقوله  
تلاتة myo  
يا أما Myocardial infarction يعني العضلة تموت  
يا أما Myocarditis العضلة تلتهب  
لأما myopathy الي هي cardiomyopathy

أو واحد يقولي إيه بقا ؟؟؟  
وإيه كمان ؟؟؟  
حاجات تزود ال after load  
إيه ال after load الكلمة الغريبة دي ؟؟؟؟؟  
أو حاجات على فكرة تزود ال pre load  
يعني حاجات تزود ال Load على القلب  
طبعاً  
ال Load على القلب هيبوط القلب على آخر السنة  
ال Load على القلب قد يكون after load  
وقد يكون pre load بري لودن ☺

وما هو ال after load ؟؟؟  
هي المقاومة الي بتقابل القلب أثناء ضخ الدم هو الدم بيضخ الدم فين ؟؟؟ في الشارع ولا في الأورطى ؟؟؟ في الأورطى  
هي دي الي اسمها after load  
ومش محتاجة أقول زي إيه ؟؟؟  
ممكّن بردو واحد قاعد ( بيقراً التفريغات ☺ ) يقولي زي إيه ؟؟؟  
أقول رقم واحد systemic hyper tension  
واحد systemic hyper tension

طب أنا لو مكتبتش الجملة الي قولتها في الأول  
الي هي the most common causes are coronary and systemic hyper tension

شوفت معنى كده ، إني كاتب ال systemic hyper tension فين ؟؟؟

في رابع سبب ، يعني إنتوا واخدين بالكم

اخذ كام ؟؟؟ أنا لو دكتور كويس بيصح

والله صفر

يعني أنا لو بصح حاجة زي كده ، أدي صفر ، أصل أنا في قضية انت متزعلش أسباب

إمها القضية إنت تقولي إيه ؟؟؟

ال most common causes في الأول

تبقا طالب محترم كده في الاجابة

وبعد كده هتكتب الاسباب وهتيجي سيرته تاني

في مكانه بقا

Systemic hyper tension

رقم اتنين Aortic stenosis

ورقم ثلاثة مرض خدته في الأطفال

السنة الي فاتت ( إحنا خدنا الاطفال مع الباطنة ☺ ) الي هو Coarctation of the aorta

يبقا ده كده

طب إيه الحاجات الي بتزود ال Pre load ؟؟؟

الحاجات الي بتزود ال Pre load

أه طبعا

تقولي : ال pre load يعني إيه ؟؟؟

كمية الدم الي لسه هابتعتها للقلب

تقولي : يعني إيه ؟؟؟

هو أنت لو بعت كمية دم كتير القلب يبوظ ؟؟؟

أقولك : هو أنا لو أدبتك كل يوم ألف صفحة ، هتبوظ على آخر السنة ولا هتبقى سليم ؟؟؟

دا أنت لازم تبوظ يا ابني

يعني واحد بيذاكر ألف صفحة في اليوم

ساعتها ، هاعالجك إزاي ؟؟؟ إني هاديلك صفحة واحدة في اليوم

ال Pre load الي هو ال venous return

إيه الحاجات الي بتزود ال venous return ؟؟؟

ما هو ما دام ال after load ثلاثة

وما دام الحاجات الي بتبوظ العضلة ثلاثة

يبقا الحاجات الي بتبوظ ال Pre load كام ؟؟؟ بردو ثلاثة

ومش قايلهم لأنه سؤال سخيف

لأني معتقدش إن واحد قاعد ميعرفش يألقي تلت أسباب يزودا الدم

الي هما : رقم واحد إيه ؟؟؟

Hyper dynamic circulation

ورقم اثنين ايه ؟؟؟

Valvular heart disease

وطبعاً لو أنا بتكلم على الشمال ، يبقى بوظت الصمامات الموجودة فين ؟؟؟ في الشمال

وإحنا لسه قابلين ال Mitral stenosis

مبيعملش كده

يبقا ال Mitral regurge وال aortic regurge

فيه واحد قاعد فضولي أوووي والحماس واخده

يقولي ليه ال Mitral regurge وال aortic regurge يزودا ال pre load ؟؟؟؟

أقولك : يا ابني هنقول الكلام ده في ال valvular heart disease إن شاء الله رب العالمين

صح ولا غلط

لكن أعرفلي إن ال mitral وال aortic regurge

وأعرف إن المرضين دول بيكبروا

بجيبيوا left sided heart failure

وهنعرف ليه لما نيجي نشرح إن شاء الله ال valvular heart disease

من أول الاسكيمية بتاعته حتى إن شاء الله

ال congenital heart disease

زي إيه ؟؟؟ ال VSD مثلاً

طب إنت اخترت ال VSD ليه ؟؟؟

أصل ال VSD هقوله سواء يمين أو شمال

ولما ناخذ ال congenital heart disease

هتعرف إن المرض الثاني اللي بيبوظ الشمال

وتعرف المرض الثاني اللي بيبوظ اليمين

يعني مثلاً اللي يجيب left sided heart failure

في ال congenital heart disease كان إسمه ايه ؟؟؟؟

الأطفال قالكم بيضه في الشمال أسد في اليمين ( PDA in left and ASD in right )

صح

لأن البيضة PDA بيبوظ الشمال وال ASD بيبوظ اليمين

واضح إنك أول مرة تقرأ الكلام اللي بتقراه في التفريغ

على العموم هنشوفها إن شاء الله في ال congenital heart disease بإذن الله

يبقاً إذاً خلصنا

سؤال لما ندخل الإمتحان الصبح

ويجيك أول سؤال في الإمتحان قول يا ابني ويجي يطبطب عليك في اللجنة

إيه أسباب ال left sided heart failure



وتكتب الأسباب دي بس  
وتكتبه أهم سببين الي هما coronary heart disease  
والسبب الثاني hyper tension  
وتكتب التلت أسباب دول ثلاثة ثلاثة ثلاثة  
الي هما تسع أسباب

تجيب نص الدرجة  
لأنك ولا قولت أسباب ال acute heart failure  
ولا قولت أسباب ال diastolic heart failure  
صح ولا غلط ؟؟؟

عشان كده هاقول كمان شوية إن شاء الله  
أسباب ال acute تقوم تكتبها هنا

وهاقول إيه أسباب ال diastolic

وممكن يجيلك سؤال لوحده في الإمتحان  
يقولك : causes of diastolic heart failure بس  
يبقا راجل رخم أووووووي لما يصطادك في الحتة دي  
في ال diastolic heart failure  
مصر كلها مذاكرة إيه ؟؟؟ ال systolic heart failure  
يقوم يجي يقولي أسباب ال diastolic heart failure

هنشرحه موضوع لوحده إن شاء الله كمان شوية  
معايا ولا مش معايا ؟؟؟

بس خلي بالك في ال etiology  
لازم تكتب معاه ال acute heart failure  
ولازم تكتب كمان إيه ؟؟؟ ال diastolic heart failure  
وتكتب الكلام ده في الإمتحان

وبعد ما تكتب ال acute heart failure وبعد ما تكتب ال diastolic heart failure  
وتكتب الكلام ده كله في الامتحان  
تجيب كام ؟؟؟  
تنقص درجتين  
أصل أنا مكتبتش حاجة اسمها precipitating factor

لكن ال Precipitating factors  
مصر كلها ، والله عارفاهم  
هي القضية إنك تدخل الإمتحان تنسى تكتبهم أصلاً  
وتخرج من اللجنة أقولك : كتب ال Precipitating factors ؟؟؟

تقوم تخبط على دماغك كده ☹️ وتزعل كده ☹️

تزعج جداً ☹️

تزعج ليه ???

لأنك نسيت كلمة ، إنت مذاكرها

و مش محتاج تذاكرها

...

هو أنا لو قولتلك ألفي Precipitating factors

اللي هي القشة التي قصمت ظهر البعير

متعرفش تألفهم

اتنين بحرف ال A

بتفكروا في إيه أَل يعني متعرفمهمش

Anemia

Arrhythmia

دا الانيميا لوحدها تجيب Heart failure

الانيميا لوحدها على فكرة ، بس أنا بحطها Precipitating factor

يعني لما واحد يكون عنده الضغط وأنيميا ، غير لما يكون عنده الضغط من غير أنيميا

اللي عنده الضغط والأنيميا احتمال يجيله Heart failure بدري

صح ولا غلط ???

عندنا اتنين بحرف ال P

ممکن کمان عندنا اللي هو ال pregnancy

ممکن اللي هو ال Physical effort بذل المجهود يعني

ممکن اتنين بحرف ال i

infection زي ال

وال iatrogenic

معايا ولا مش معايا ???

ال infection بتختار ال Infection اللي في القلب طبعاً اللي هو ال Infective endocarditis

ال iatrogenic زي إيه ??? الأدوية زي ال calcium channel blocker

والكورتيزون

لأن الكورتيزون بيعمل إيه ???

بيعمل كذا حاجة ، يجيبك heart failure

في ال endocrine إن شاء الله هنعرف إن الكورتيزون دا مصيبة

دا يوم ما تتكلمش خالص يقولك بيحوش المية والملح

فبيزود ال Load على القلب

وعلى فكرة بيعمل حاجات تانية

مصايب تانية هنبقى نقولها إن شاء الله في ال endocrine

وتكتب الكلام ده كله في الإمتحان

هنا بقا الدكتور يقول : أه كويس خالص دا كاتب ال diastolic وال acute والحاجات التانية هديله الدرجة النهائية

بس لو واحد رخم ويصحح يقولك  
أنا هانقصه درجة كمان  
درجة ليه ???  
يقولك : أصله مكتبش ال cardiac reserve

طبعاً ال cardiac reserve  
دا سؤال شفوي شهير جداً

قولي يا ابني أي مرض هيجبك في قلبك هيجبك Heart failure علطول  
ولا الجسم هيقاوح شوية

قوله : الجسم بيقاوح شوية

بيقاوح إزاي يا ابني ?????  
تقوم قايله : ال cardiac reserve

كام حاجة ???  
هما خمسة ، كتب القسم كاتب منهم أربعة  
هقول الأربعة وخلاص ،  
معايا ولا مش معايا ???  
أربع حاجات

إيه هما الأربع حاجات المكتوبين  
على فكرة الأربع حاجات فسيولوجي  
انظر الفسيولوجي  
خلاص خلاصوا

انظر الفسيولوجي اللي هو إيه ???  
أنت نفسك

بصوا يا جماعة ☺  
لو أنت مسؤول عن القلب  
وفيه مصيبة جايا لك في قلبك  
حلها لي

يعني شوف أنت هتحلها إزاي ، هو ده اللي بيحصل فعلاً

يعني أول مصيبة عندك إن القلب مش قادر يضخ دم كويس  
ما هو دا ال heart failure  
بيقا ال cardiac output قليل

اسأل نفسك

ال cardiac output بيساوي إيه في إيه ؟؟؟؟

ال Stroke volume في ال heart rate

حلها لي

ال stroke volume مش هتتعرف تعمل فيه حاجة

ال stroke volume الي هي كمية الدم الي خارجة في الدقة الواحدة .... ضعيفة

خلاص

ملهاش حل

يبقا نعمل إيه ؟؟ نعمل إيه ؟؟؟

heart rate ال نزود

طب ال Heart rate بيزيد إزاي ؟؟؟

ال sympathetic

أول ما قلبك بس يتوتر شوية

يقوم ال sympathetic ينفع شوية

يقوم مزود ال heart rate

على فكرة كل واحدة في ال cardiac reserve

هتلاقيني وأنا بقولها

أنت سعيد جداً

وهاين عليك تزغرد جداً

لكن السطر الثاني في كل واحدة

هتلاقيك مستاء جداً

لأن المشكلة إن أحيانا ال cardiac reserve

بيتم استغلالها استغلال بغشومية ( بغباء يعني زيادة )

يعني ال heart rate

لما بيزيد كويس

لكن لما بيزيد أووووي ، مش كويس

يعني مثلاً لو وصل 150

يا فرحتي

عارف 150 يعني إيه ؟؟؟

يعني قلبك بيعمل كده ( تخيل الله يكرمك بص أكن القلب مبكملش انقباض وانبساط وكده يعني )

ولا بيلحق يلى ولا بيلحق يضخ الدم

من عدم الحكمة إنك تسبب عيان القلب بتاعك

في حالة tachycardia

وعشان كده لازم تديله دواء  
يقلل ال tachycardia شوية

كلما زادت كفاءة قلبك  
كلما قلت دقات قلبك  
صح ولا غلط ???

اللي منكم بيلعب رياضة ويروح الجيم والكلام ده  
يشوف ال Heart rate بتاعه  
هياقي ال heart rate قليل

اللي منكم قاعد مبيعلمش أي مجهود  
واللي هو لما يفكر بينهج  
شوف دقات قلبه دلوقتي  
هتلاقيها سريعة جداً  
صح ولا غلط ???

لعيبة الزمالك دقات قلبهم زيادة 120  
لعيبة الأهلي دقات قلبهم كام ؟؟ 70  
عشان كده دول بيلعبوا ويقدرنا يلعبوا لغاية آخر الماتش  
إمّا بتوع الزمالك إيه يا جماعة ؟؟؟ أول دقيقة يلعبوا فيها جابوا جون  
لكن اتفرج بعد كده على بقية الماتش مش قادر

وعلى فكرة دي حاجة physiological  
ملهاش حل

أصل فيه بعض الناس يقولك إيه  
هي المشكلة في الجماهير ؟؟؟ ما الجماهير معاهم  
المشكلة في المدرب ؟؟؟ ما أحنا جنبنا المدرب اللي إحنا عايزينه  
في ؟؟؟

هو المشكلة يا جماعة Physiological  
محدث قال إنه فيه سبب طبي

هو السر أهو إن ال Heart rate بيبقا كام ؟؟؟  
ال heart rate بتاع لعيبة الزمالك بيبقا عالي شوية  
دي ملهاش حل  
يأخدوا Beta blocker هيبقوا كويسين

معايا ولا مش معايا ؟؟؟

فده كده ال cardiac output  
اللي هو ال stroke volume في ال heart rate

محتاجين معجزة والله

Tachycardia كده ال حاجة

رقم اثنين

دا أنت لو جبت واحد طفل رضيع هندي

وقولته : يا أميتاب إيه اللي يحصل في ال cardiac reserve

يقولك : مش الدم مش عارف يطلع

يبقا يستنى فين ؟؟؟

في ال Left ventricle

ولما يستنى في ال left ventricle إيه ؟؟؟

يحصل dilatation

أول كلمة خدتوها في الكلية دي

إن ال fibers لما تطول ال Starling law

يقوم يحصل إيه يا جماعة ؟؟؟؟

بس خلي بالك قالولنا within limit

صح ولا غلط ؟؟؟

فلما تجيب إستك وتشده تشده تشده وتسيبه مشدود فترة كبيرة

بيرخي ،

يبقا عندما يتحول الأستك إلى فتلة

يعني ال ventricular dilatation حاجة حلوة ؟؟؟

أه حاجة حلوة ، أول سطر

بس ثاني سطر ، قوله عندما يتحول الإستك إلى فتلة

وضحله إن ال fibers لما تتشد كثير

ورقم ثلاثة

إنت متخيل لو أنت عندك after load بقا

القلب قاعد يضخ دم حوالين أو against resistance جامدة جداً

يقوم يعمل إيه ؟؟؟

يترباله عضلات ، عضلاته تكبر

Hypertrophy

ال hypertrophy حلوة صح ، بس بعد كده بيحصل إيه ؟؟؟؟

عضلة كبرت على الفاضي without blood supply

تحصل ischemia علطول

صح

يبقا كل حاجة فيه حاجات كويسة

بس بعد كده بتبوظ

والمكتوب في كتاب القسم على فكرة عجبتني الحنة دي

لأنه كاتبها بالصيغة دي  
يعني في جدول  
cardiac reserve : الحاجات ال  
وفي الخانة الثانية كاتبك ال adverse effect  
يعني الحاجات اللي هي side effects للعميلة دي

نخش بعد كده على رقم أربعة  
يقولك : القلب لما يبوط ، يبدأ ينفعل  
القلب نفسه بقا  
يقولك : يقوم ينفعل  
يقوم مطلع مادة مش عارف سمعتوا عنها قبل كده ولا إيه ؟؟؟  
اسمها ANP و PNP  
Atrial natriuretic peptide

أقولكم جملة وأنتوا تقولوا صح ولا غلط ؟؟؟  
كل اللي قلبهم تعب ، عندهم ANP في دمهم  
الجملة دي صح ولا غلط ؟؟؟  
كل اللي قلبهم تعب ، قلبهم منفعل ويطلع مادة ال ANP  
صح ولا غلط ؟؟؟  
تعبان يعني عنده failure أو عنده أي حاجة  
هذا الشخص عنده ANP ولا معندوش ANP  
إيه رأيكم في الجملة دي ؟؟؟  
الجملة دي صح

والدليل على كلامي  
إنت لما يجيلك واحد وهو shock

جالك واحد مثلاً عنده dyspnea  
وأنت شاكك ال dyspnea دي عشان القلب ولا عشان ال chest تعمل إيه ؟؟؟

أول حاجة تشوفها ودا سؤال MCQ  
كل الناس بقا يقولك في الاختيارات chest X-ray  
واللي هيقولك أعمل ECG  
لا نعمل ECHO  
إنما الاختيار الأمثل هو إيه يا جماعة  
تشوف ال ANP  
لو ملقتوش  
تقول والله العظيم دا مش قلب  
يبقا أنت chest أو أي حاجة ثانية ، ما فيه حاجات ثانية بتعمل dyspnea

يبقا لو ملقتوش بيقا مش قلب  
إذاً ال ANP مهم جداً





يعني إنت بردو عندك ساعات بيبقا ال cardiac reserve  
فيه شيء من التخطيط  
يا جماعة اللي باظ مش قليل  
الي باظ هو القلب

فأحياناً بيبقا فيه شيء من إيه ؟؟؟  
من التخطيط

عشان كده محدش يجي يعترض عليا ، عشان هرد عليك الرد الي مش هيعجبك  
أقوم قايلك إيه ؟؟؟

**وَمِنْ قَالِكَ إِنَّ ال cardiac reserve يعالج ال heart failure**

يا جماعة ال cardiac reserve  
إحنا بنقعد نخبط شوية كده  
ولو ملحقتهكش ، دا إذا كان حتى بالعلاج من بره  
**مفيش حاجة اسمها Heart failure بيخف**  
معايا ولا مش معايا ؟؟؟

بنقعد بس نظبطلك ال symptoms زي ما هنشوف إن شاء الله كمان شوية

كده خلصنا ال etiology بتاع ال heart failure  
زي ما خلصنا ال definition  
يبقا باقي لنا كام عنوان في ال Heart failure ؟؟؟  
تلت عناوين ولا أربعة ؟؟؟  
ثلاثة ال clinical pictures وال treatment وال differential diagnosis  
الي هيقول Investigations يبقا مش فاهم  
وعمره ما هيبقا حاجة في الطب وهيرجع يقعد يذاكر وينسى  
يذاكر ويحفظ وينسى  
يحفظ وينسى  
يحفظ وينسى  
يحفظ ويشرب وينسى  
ومش هيعرف حاجة في الآخر

عشان كده يا جماعة أنا هقول ال clinical pictures دلوقتي  
ال clinical pictures الحمد لله سهلة  
ركزوا معايا

## Clinical pictures

كالآتي ،  
أمتع لحظات حياتكم هي اللحظات دي ، أنت تذاكر clinical pictures بتاعت cardiology  
والله العظيم لحظات ، هتبقى حاسس بإحساس غريب

تقولوه : أصل أنا بذاكر clinical pictures بتاعت ال cardiology

الدكاترة زماااااان مكنوش بيشرحوا كده

الدم الي بيطلع بيبقا إيه ؟؟؟؟ قليل

## حاجة اسمها

syncope سقافه

ischemic heart disease    يبقا هنلاقي

بس أنا لسه بتقمص شخصية الدكتور الى بيشرح من ألف تسعمية وخشبة

الدم مش عارف يطلع من هنا ، يقوم يستنى فين ؟؟؟

في ال left ventricle

يجي الدم نازله من ال left atrium

يلاقي الدم لسه مستني هنا

يقوم ميعرفش ينزل

يقوم يستنى في ال left atrium

يجي الدم جايله منين؟؟؟ من ال Lung عن طريق حاجة اسمها

Pulmonary veins

يا أولاد

فالدّم اللي في ال pulmonary veins

بيجي يدخل ال Left atrium

يقوم ال left atrium يقوله : والله السكة عندي منيلة بستين نبلة

وأنا مش عارف أنزل الدم اللي عندي

أرجوك خلي الدم مكانه

متجش دم عندي خالص

يقوم الدم يستنى في ال Pulmonary veins

**وهو ال pulmonary congestion ايه يا أولاد غير إن الدم يستنى في ال pulmonary veins**

يبقا رقم اثنين

Manifestations of lung congestion

يعمل إيه يا أولاد ال Lung congestion؟؟؟؟

بصوا يا جماعة ☺ انا مبعرفش أمثل

ارجع لشخصتي المعتادة

سيبكم بقا من اللي فات كله

شخصيتي بقا دي

ال clinical pictures of left sided heart failure

رقم واحد

وأنا من امتي بقول رقم واحد

**Low cardiac output** هتكتبها بنسبة مية في المية في كل أمراض ال cardiology

رقم اثنين

المرض اسمه Left sided heart failure

**Left** اسمه **Lung congestion** يبقا تكتب ايه؟؟؟

وال lung congestion تكتب السبعة ← انظر الاسكيم اللي احنا كاتبينهم

خش على رقم ثلاثة

**clinical pictures of the cause** يا سلام عليك لو كتبت

وأهم سببين إيه يا أولاد ؟؟؟  
اللي هما الcoronary disease  
وال systemic hypertension

أه متكتبيليش الأسباب كلها كده بقا  
هتلاقي الناس كلها مخلصه الورقة الأولى  
وبيدأوا يحلوا في الورقة الثانية وأنت لسه قاعد  
والناس تخلص الشفوي وتدخل على الجراحة وانت لسه قاعد ☹  
لا ،

وبعد كده رقم أربعة  
عايز تزود زود ،،،

يعني مثلا واحد يقولي عايز أكتب حته ال Pressure manifestations  
اكتبهم

ما هو القلب بيكبر مش بيحصل هنا dilatation و hypertrophy  
وكده ؟؟؟

اكتب إن القلب لما يكبر يعملك

ما أنت لو مذاكر اسكيم وكده  
وعارف اللي في دماغك كويس  
هقدر أكتب بسرعة جداً  
حتى even أصغر من أكبر source موجود  
معايا ولا مش معايا ؟؟؟؟

المهم اكتب الاسكيم  
لو عايز تكتبها  
ولو ان انا اكتبيلك من الاسكيم الحاجات دي بس  
يعني تكتب فيهم الأربع حاجات بتوع الاسكيم وبس

عايز تكتب رقم خمسة

ال thrombo embolism

اكتبها ماشي كمان  
ما هو أصل عنده stagnation of blood  
فمممكن يجيله إيه ؟؟؟

Manifestations of thrombo embolism

واحد يقوم قايلي وهو مبسوط جداً : إيه ده إحنا كده خلصنا ال clinical pictures ؟؟؟

طبعاً أقولك : عمر ما كانت الحياة بالسهولة دي

لأن فيه حاجة اسمها إيه بقا ؟؟؟

Cardic signs

بس برده تعتبر الحياة بالسهولة دي



يعني أنت مذكر من كتاب القسم كل كلمة وكل حرف حرف  
فده كده الي هو ال cardiac signs  
خمس حاجات

بس رقم واحد والله العظيم إنتم عارفينها  
شوفوا أنا بحلف بالله ، على فكرة الي أنا بعمله ده غلط ، إن أنا أحلف ،  
لأن فيكم واحد بردو IQ الي هو ال IQ بتاعه منخفض شوية  
هيفهم بعد شوية  
بسببه أصوم تلت أيام ، شوف بقا عن كل واحد فيكم هصوم كام يوم

( بستغرب أوووي الأحكام دي بتجي منين ربنا سبحانه وتعالى بيقول في سورة المائدة

" لَا يُؤَاخِذُكُمُ اللَّهُ بِاللَّغْوِ فِي أَيْمَانِكُمْ وَلَكِنْ يُؤَاخِذُكُمْ بِمَا عَقَّدْتُمُ الْأَيْمَانَ فَكَفَّارَتُهُ إِطْعَامُ عَشْرَةِ مَسَاكِينَ مِنْ أَوْسَطِ مَا تُطْعَمُونَ أَهْلِيكُمْ أَوْ كَسْوَتُهُمْ أَوْ تَحْرِيرَ رَقَبَةٍ فَمَنْ لَمْ يَجِدْ فَصِيَامُ ثَلَاثَةِ أَيَّامٍ ذَلِكَ كَفَّارَةُ أَيْمَانِكُمْ إِذَا حَلَفْتُمْ وَاحْفَظُوا أَيْمَانَكُمْ كَذَلِكَ يُبَيِّنُ اللَّهُ لَكُمْ آيَاتِهِ لَعَلَّكُمْ تَشْكُرُونَ {89} "

الكفارة بالترتيب إطعام عشرة مساكين من أوسط ما تطعمون أهليكم أو كسوتهم أو تحرير رقبة  
بعد كده الي ميلاقيش يدخل على صيام ثلاثة أيام )

لكن هي الفكرة إن رقم واحد  
الطالب المتوسط عارفها  
الي هي إن قلبك قبل ما ييوظ ، يكبر  
يبقا رقم واحد  
خلي بالكم أنا بتكم في ال left  
يبقا رقم واحد left ventricular enlargement  
انظر العملي

بالمناسبة يا أولاد ال Left ventricular لما كان بيكبر كان بيعمل كام حاجة في العملي ؟؟؟  
أصل إنتم لو مقولتوش كام حاجة ؟؟؟ يبقوا إنتم بتذاكروا غلط  
والله العظيم لو مقولتوش كام حاجة يبقا إنتم بتذاكروا غلط  
متجيش بقا ، تقولي : على فكرة أنا من النوع الي بيذاكر جامد جداً

أنت المفروض قبل ما تعرف إيه هما ، أعرف كام حاجة ،،، هو دا العلم أصلاً ☺  
طريقة المذاكرة الحديثة كده  
يعني أعرفلي كام حاجة

Left ventricle ال  
لما يكبر أنا مش عايز أعرف إيه هما  
الكلام ده أنت تعرفه إن شاء الله في العملي

لكن هما كام حاجة ؟؟؟ ثلاثة  
خلاص ، ولا أربعة ؟؟؟

ما ممكن يجيلك سؤال في ال MCQ كدا  
يقولك : left ventricular enlargement ثلاثة ولا أربعة ولا خمسة ولا ست حاجات ؟؟؟

تقوم معلم على مين ؟؟؟ تلت حاجات

والله لو بحط MCQ أجيب السؤال ده



طيب وال right ventricular enlargement كام حاجة ؟؟؟ سبع حاجات

هنقول منهم ستة بس هما سبعة

طب وال bilventricular enlargement

هما ستة ولو عايز تخليهم سبعة ماااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااااa

**إمّا ال Left ventricle والله العظيم ثلاثة**

لو عايزني أقولهم أقولهم

ولا تاخدوهم في الكليكال وخلص ؟؟؟؟

بصوا يا جماعة

هم التلت حاجات إيه هما ؟؟؟

هما ليه ثلاثة بس ؟؟؟

يعني ممكن واحد يقولي هما مش أربعة ؟؟؟؟

أقوله لا والله ثلاثة

ولو فيه أقل من ثلاثة في الخيارات خد الخيار ده

عارف ليه ؟؟؟

لأن بكل بساطة ، والله العظيم الي خلاكم ضَعَف في ال clinical هي أبله ميرفت

لولا أبله ميرفت كنتم زمانكم كلكم دلوقتي إمتياز

بس أبله ميرفت زمان بقا لما كانت بتقولنا وإحنا في كي جي وان صغيرين كده

كانت تقولنا : يا أولاد النهاردا هناخد حصة القلب

وكانت تقولنا القلب أهو

طبعاً كنا صغيرين ، وبنصدق أي حاجة من الحاجات الي بتتقال أدامنا

واتحفرت في دماغنا

كبرنا : فاكرين فعلاً إن القلب بالوضعية دي

إن هنا ال left ventricle وهنا ال right ventricle

لما كبرنا ودخلنا أولى طب

وممكن منكم قعد أولى وتانية وتالته ولا زال معتقد إن القلب هو الرسمة الي متخيلناها بتاعت الكي جي وان

بس لما كبرنا عرفنا

عرفنا إيه بقا ؟؟؟؟

إن القلب مش بالبساطة دي ، وإنه هو لافف كده شوية

يعني إيه لافف ؟؟؟

معلش يا جماعة ، نتخيل إن القلب لافف وكأنه واقف شوية

يعني في التخيل بتاعك يعني

Most anterior ال يكون ال  
right ventricle ال

most posterior وال  
left ال

عندكم مانع فحي كلام أبله ميرفت  
ونرسم الرسمة الحديثة بقا  
اللي هي بيبقا المنظر عامل كده ☺  
بالظبط

هذا هو ال right ventricle  
most anterior ال

أمال فين ال Left ventricle ???  
جاي بجنب ، جاي داخل لجوا  
إيه ده ??? يعني مبيبانس خالص مهما يكبر ???  
أه مبيبانس خالص  
لكن الحنة الوحيدة اللي ممكن تبان منه ، هي ال apex

بالمناسبة سؤال بيكون في ال clinical وبيبقا سؤال لو جاوبته  
أنا معتقدش إنك لو مجاوبتوش  
إن الدكتور يسألك سؤال بعده  
يقولك : اتفضل يا ابني  
تقوله : طب اسألني يا دكتور

يقولك : لا ما انت برافوا عليك يا ابني  
العملية واضحة أووووي ☺ اسألك أقولك إيه ???

يعني اللي هو لسه جاي مدخلش ال clinical  
بسم الله الرحمن الرحيم  
سلاموا عليكم عامل إيه اخبارك إيه  
قولي يا ابني  
هو ال apex of the heart  
معمول بال Left ventricle ???  
ولا بال right ventricle ???  
ولا بالاتنين ???  
ولا بال spleen ???

معمول بمين Left ventricle ال بس  
أوعى تقول الأثنين



أو أوعى تقول ال right ventricle

فيه ناس بقا تقول ال spleen

هو يا جماعة بال left ventricle بس

المهم يعني

دا سؤال بس كده في الأول بيتسأل ، لما أنا بشوف المنظر ده

لما الدكتور يسألك السؤال ده ، لو غلطت فيه ، مبيسألش تاني

حتى لو إيه

عارف إنت ممكن تبقا أحمد زويل في الطب

لكن خلاص إنت غلطت في السؤال ده

هنعمل إيه بقا

المهم خلونا نرجع لموضوعنا

إذا ال left ventricle بتاعي

ولا بلاش بتاعي

بتاع حد فيكم ( لا يا عم أنت وهو وهي يا رب أشفي كل مريض اللهم آمين )

لما يكبر كل أحداثه هتبان فين ؟؟؟

في ال apex

كام حاجة ؟؟؟

والله العظيم تلت حاجات

رقم واحد

Localized

بحب أنا أووووي Localized دي

أصل ليه يبقا diffused يعني ؟؟؟

هو يعني إمتى يبقا diffused ؟؟؟

لو ال right ventricle هو الي كبر

لو ال right ventricle هو الي كبر يعني الحنة دي كلها

إمّا حنة صغيرة كده

ده normal مفيش مشكلة

ورقم اثنين يقولك إيه ؟؟؟

منها لله أبله ميرفت

والله العظيم فعلاً ، لولا أبله ميرفت في الحياة ، كان زمانكم دلوقتي قاعدين أسود في ال cardiology

أبله ميرفت رسمت الرسة دي

وإحنا عارفين أي chamber بيكبر

According لإيه ؟؟؟

ال longitudinal axis بتاعه  
مين الي يرسم ال Longitudinal axis بتاع ال left ventricle ؟؟؟  
أهو  
وبتاع ال right ventricle ؟؟؟  
أهو

المحور الطولي ال longitudinal axis  
معنى كده  
إن ال Left ventricle لما يكبر شوف  
ال longitudinal axis بتاعه عامل إزاي ؟؟؟  
يعني ال apex لو مكانه هنا  
**تلاقية كده outward and downward**  
عارف الي منكم كلام أبله ميرفت ، انا مش عارف أمحيه دلوقتي  
ومش هاقدر ألغيه  
عشان التعليم في الصغر كالنقش على الحجر

كلكم بقا ، عارف الي منكم  
كانت أبله ميرفت مأثرة عليه أوووي  
عارف هيدور على ال apex فين ؟؟؟  
According the longitudinal axis بتاع الأبله ميرفت  
هيدور عليه عند السرة  
والله ينزل  
وبعدين الراجل يقوله : أنت بتعمل إيه يا ابني ؟؟؟

يقوله : ال Longitudinal axis أهو  
هندور عليه عند السرة  
وينزل بقا يقعد يعمل Palpation في السرة  
وطبعاً الكلام ده كله .....

طب بالمناسبة ال right ventricle ؟؟؟  
ال longitudinal axis بتاعه إيه ؟؟؟  
Outward بس

رقم ثلاثة  
الصفة الثالثة ، لا يا جماعة مش الصفة الثالثة  
**الصفة الثالثة والأخيرة**  
بردو منها لله أبله ميرفت  
According للكلام بتاع أبله ميرفت  
والله منها لله  
لأنها كانت بتقف كده ، أنا لسه فاكرها وكأن اللحظة دي كانت إمبارح ،

وهي واقفة نقولها ، ومش فاكركنت أنا اللي سألتها السؤال ده ولا حد من زمائلي  
المهم واحدة أو واحد مننا  
قام سألها وقالها : يا أبله ميرفت هو القلب ده بيعمل إيه بالظبط ؟؟؟  
قالتلنا : يا أولاد القلب ده بيضخ الدم في الجسم كله

قولناها : بيضخ الدم في الجسم كله ؟؟؟  
قالت : أيون

قولناها : إزاي ، حد يبقا موجود هنا ويقعد يعمل الحاجات دي  
قالت : هو يا جماعة بيبقا موجود هنا كده وبيعمل كده  
لسه فاكركها وهي بتعمل الحركة دي لحد النهاردا  
وكأنها كانت امبارح  
قعدت تعملنا كده

يعني اللي هو القلب

أصل بالمنطق بتاع الأبله ميرفت المفروض  
During systole  
القلب إيه اللي يحصل ؟؟؟ القلب يكش  
يقوم ال apex يدخل لجوا  
مش bulge لبره  
صح ولا غلط ؟؟؟

فمنها لله أبله ميرفت عشان كده بقا

إمها لما كبرنا ، عرفنا إن القلب مبيعلمش كده  
إمها القلب بيعمل إزاي ؟؟؟ كده وييلف  
وهناخد الكلام ده في العملي إن شاء الله

عشان كده ال systolic bulge  
ليست نتيجة ال contraction  
ولكنها نتيجة ال rotation

وتقوم كاتب بين قوسين كده " منها لله أبله ميرفت "  
أكتبها ليه ؟؟؟؟  
عشان ممكن يبقا الطالب قاعد

ما أنا بردو يا جماعة خليني أقولكم  
الطلبة دول أنواع  
النوع الي هو IQ شمانزي  
الي هو بيفهم بعد شوية  
وهو بيذاكر ال systolic bulge الكلمة دي مبتلفتش نظره



pulsus alternans بسموها

هو سؤال فعلاً صعب

أه والله

Left ventricular failure صح ولا غلط ???

وفه fibers بتكون diseased

بس ال diseased شغالة بس بكسل شوية

هو إيه الفرق بين الطالب الخايب ( مش أنتم ) لو حد فيكم يعرف حد من بعيد

طالب خايب ،

ايه الفرق بين الطالب الخايب والطالب الشاطر ؟؟؟؟

هل ببيان في أول الصفحة ؟؟؟؟

يعني بص ☺ هات واحد صاحبك خايب قوله : تعال عايزين نذاكر مع بعض

أنتوا الأثنين في أول صفحة بتذاكروا كويس جداً

إمّا الفرق بيان في الصفحة الثانية

تعال في الصفحة الثانية

تلاقي الطالب الخايب يقولك : بقولك إيه أنا زهقت ، طب أنا هاقوم أعملي فنجان قهوة ، طيب هاقوم أشرب سيجارة في البالكونة بره ،

طب أنا بقولك هاعمل تليفون وجاي ، طب ....

لكن الطالب الشاطر ، الصفحة الأولى زي الثانية زي الثالثة .... عمال يذاكر ما شاء الله عادي جداً كل الصفحات

إمّا الطالب الخايب في الثانية مذاكرهاش

يجي في الثالثة ، ربح هو

والشاطر عمال يذاكر

يقوم مذاكر الخايب الثالثة مع الشاطر

يجي الخايب في الرابعة

يروح يشربله فنجان قهوة ولا كوباية شاي

وهكذا

أنتوا طبعاً عارفين الطالب الشاطر اللي هو صفحة ورا الثانية ورا الثالثة ورا الرابعة

عشان كده يقوم قايلك ايه بقا ؟؟؟

الطالب الشاطر اللي هو ال healthy fibers

والطالب الخايب هو ال diseased fibers

أول دقة كويسة جداً عشان الاتنين بيخطوها مع بعض

تيجي بقا للدقة الثانية مين اللي يعملها بس ؟؟؟ ال healthy بس

طب ال diseased راح فين ؟؟؟ لا بريح عمل قهوة ☺

عشان كده الخبطة الأولى قوية ولا ضعيفة ؟؟؟

قوية

طب الخبطة الثانية ؟؟؟ ضعيفة

أصل الخبطة الثانية مين اللي عملها ؟؟؟؟

خلي بالك أصل دي فيها تلاعب بالألفاظ ،

والله تلاعب بالألفاظ غير عادي

لأن أنت وأنت قاعد دلوقتي لما أجي اقولك الخبطة القوية بتاعت إيه ؟؟؟

أتوماتيك في الشفوي تقول الخبطة القوية بتاعت ال healthy fibers يا دكتور

هو ده سؤال ؟؟؟؟ مش للدرجادي يعني ؟؟؟؟!!!

طبعاً القوية بتاعت ال healthy  
طب الضعيفة يا ابني بتاعت إيه ؟؟؟؟ طبعاً بتاعت التعبانة ( والدكتور قاعد بيضحك ☺ )  
وانت بتقول كده بصوت عالي جداً  
وهو بيديلك صفر بخط واضح جداً  
وبيكتب جنب اسمك عشان أنت وقعت في المطب ده

أنت هتقوله الخبطة القوية بتاعت الأثنين مع بعض ال healthy وال diseased  
والخبطة الضعيفة بتاعت ال Healthy  
بس ال Healthy لوحده

خدتوا بالك من النقطة دي ، عشان كتير بيغلط فيها في الشفوي  
لازم تغلط يا جماعة ( يا رب محدش يتلخبط خالص ) أصل بيكون فيه stress وفيه دوشة  
وبيسأل بكسر كذا سؤال ورا بعض ، وجاوب يا ابني بسرعة ، وماسك العصاية في إيده ☺ وعمال يضرب فيك  
فده اللي هو Pulsus alternans

واحد اثنين ثلاثة

رقم أربعة وخمسة بقا  
أقول إيه في رقم أربعة ؟؟؟؟  
أقول إيه ؟؟؟؟ حاجة بالسماعة  
كلكم عارفينها  
عارفين الصوت بيبقا عارف إزاي ؟؟؟  
سؤال الأول  
هو ال Normal heart sound بيبقا كام صوت ؟؟؟؟

اتنين S1 and S2  
صح كده

وال systole وال distole والحوار ده  
( طب أنا هارغي معاكم ثاني شوية معلش واستحملوني ويارب اوصل معلومة سهلة وبسيطة  
الرسمه لو خدت بالك منها في اي كتاب حضرتك شوفت فيه رسمه بتاعت ال first heart sound وال second heart sound وكده  
هتلاقي فيه مسافة كده بين الاثنين  
وانت عارف ان المسافة بين ال S1 لغاية ال S2 اللي بعدها أصغر من المسافة من ال S2 دي لل S1 اللي بعدها  
واللي بين ال S1 وال S2 ده اللي بنقوله عليه systole  
ومن ال S2 إلى ال S1 ده بنقول عليه diastole )  
الحمد لله رب العالمين

لولا الحكاية دي كنت ابقى قابلني في ال clinical بقا لو عرفت تميز ال first heart sound من ال second heart sound

تخيل لو الاثنين أد بعض ؟؟؟؟  
والله كان زمانكم دلوقتي بتجروا حافيين في الشوارع  
ابقى قابلني لو عرفت تلطع ال first من ال second

وناس تقولي أصل ده لبّ وده دبّ  
سيبك إنت من الكلام ده  
وسيبيك من اللي يقولك ده ال timing مع ال carotid والكلام ده كله  
دي إسرائيليات كلها وعلم الصعبانيات ( بس طبعاً متقولش كده عشان محدش يولع فيك 😊 )  
يا جماعة هو أحمد ربنا مليون مرة إن ال systole أقل من ال diastole

الحمد لله رب العالمين  
عشان كده حتى في ال tachycardia  
بيبقا صعب إنك تطلع ال first من ال second

المهم يعني  
طب ال diastole بيحصل فيه إيه ؟؟  
الدم بينزل منين لفين ؟؟؟؟  
من ال atrium بيروح لل ventricle  
صح ؟؟ أيون

بيعمل صوت في الإنسان الطبيعي ولا مبيعملش ؟؟؟؟  
مبيعملش

غريبة جداً إنه مبيعملش ، لأنه سائل ،  
المفروض أي سائل كده على الأقل نسمع صوت طرطشة  
مبنسمعش الصوت ده  
حاجة تجنن فعلاً  
يقولك أصل الدم زيت ،  
الزيت مبيعملش صوت زي المية  
ماشي ، بس الزيت بيعمل صوت بردو

يقولك : ما هو أصل نازل بقوة مش جامدة أوووي ، مبخبطش جامد ،،  
أه طيب ، ماشي  
بس المفروض بردو ميعملش صوت

أقولك وال left ventricle قوي

تقولي : يعني إيه ال left ventricle قوي ؟؟؟  
أقولك : زي ما تجيب زيت وتحطه في كوباية جامدة قوية إزاز  
هل الصوت بيعمل صوت ؟؟؟  
يعمل لو كان بسرعة أوووووي  
صوت السرعة كده هيعمل صوت  
لكن لو ماشي بسرعة معتدلة ، والله ما بيعمل صوت ،  
وال left ventricle قوي ← قوته يا جماعة قوي وحنين ،  
مش قوي بس

يقولك قوي كده ، وهو بيلف كمان كده ، يقوم الزيت ينزل إزاي ؟؟؟؟؟





وهو ال regurge إيه غير إن الضلقتين يقفلوا وهما بعاد عن بعض  
متستغريش كثير ، لما تحط سماعتك على ال apex  
Pan systolic murmur of mitral regurge تقوم سامع

مش شرط تسمع إيه ؟؟  
هتسمع إيه دي هنقولها إن شاء الله في ال valvular heart disease  
تسمع murmur ما بتاع ال Mitral regurge  
شوفت بقا ☺

عشان الضلقتين بعدوا عن بعض  
أصل ال left ventricle كبر  
بعد الضلقتين عن بعض

وعشان كده يقولك دول الخمسة signs

على فكرة كده ال clinical pictures خلصت

يبقا هنذاكر فيها إيه بس يا جماعة ؟؟؟  
نفسى في الطالب ده يا جماعة  
يقوم جاي شاطب كل حاجة  
وأنا مش عايز واحد يرجع يا جماعة  
Low cardiac output  
وبعدين  
Lung congestion

على فكرة المذاكرة دي بتخلي الواحد ينسى  
إفما انت بترجع بتذاكر ال cardiac signs بس  
واشطب على الباقي  
اشطب عليه كده بقلب جامد  
تَكْ تَكْ وتروح شاطب

ال cardiac signs وتكتب خمس حاجات  
١. ال left ventricular enlargement  
كام حاجة ؟؟؟ تلت حاجات

وبعدين اتنين بال pulse وبعدين اتنين بالسماعة  
خلاص كده الموضوع خلص  
ومفيش كلمة زيادة

وبعدين تقولي  
أعجبى سؤال في الدنيا بقا  
طب حد عايز يسأل سؤال ؟؟؟

clinical pictures يقول أنت لسه مخلصتش ال

يقولي : أصل لسه ال right

systemic congestion ال وحط ال Lung congestion ال شيل ال بس

فالدّم وكده

## خلاص خلاص الموضوع

والله فعلاً هما خمس سطور يتذاكروا

يعني إنت ترجع كل ده تذاكره في دقيقة بالضبط

Investigations ال

## Investigations

## عایزۃ تکتبہا یبقا کوئس

Pulse ال

إنما بردو حاجة فلسفية

عائز تكتبها ماشي ، بيني وبينكم ال right متبقاش واضحة فيه ال pulsus alternans

وَأَنَا مِنْ إِمْتِي بِقَوْلِ Investigations

بصوا يا جماعة 😊 أنا مش هامثل

ال X-ray وال ECG وال ECHO وال cath وکده

**وبس**

بس

ECHO أه بال

X- ray متقولش

هو ال ECHO ييشخص بحاجة إسمها إيه ???

## Ejection fraction

يعني الكلمة الوحيدة اللي بره الإسكيم  
حرفين ، أنا بس عايزك تحط الحرفين دول في أي حته في ورقة الإجابة بس  
ده أنا اللي عايزه منك

وتروح خابطله EF

يعني إيه EF ؟؟؟ يعني Ejection fraction

يعني إيه ejection fraction ؟؟؟

يعني أنت قدرت تزق أد إيه من الدم اللي وصلك

يعني إزاي مثلاً ، إنت وصلك هنا مثلاً

ده مثل فلسفي مثلاً

100 كيلو

ضخيت منهم 50 كيلو

مين اللي يقول ال ejection fraction ؟؟؟

اللي أنت ضخيت من الدم اللي وصلك

اللي هو 50/100 يطلع كام في المية ؟؟؟ % 50 وهو ده الطبيعي

أنت تشخص ال heart failure

بال ejection fraction

معايا

طبيب مين يعرف ، لو حد عايز بقا يبقا من أصحاب الكرفات الشيك بقا

يقولك أنا عايز أكتبها محاضرة محترمة

أقولك : ما تكتبها يا ابني ، إنت قدرت تضخ أد إيه

هي كمية الدم اللي أنت بتضخها تسمى إيه stroke volume ؟؟؟

على الدم اللي وصلك

هو الدم بيوصلك في ال diastole ولا ال systole ؟؟؟ في آخر ال diastole

على ال end diastolic volume

مين يحسبها ال stroke volume اللي هو 70

ال end diastolic volume كان كام تقريباً ؟؟؟ من كتاب ال physiology كان 140

يطلع تقريبا اللي هو خمسين في المية

لعبة نادي الزمالك ، ال Ejection fraction بتاعهم 10 %

دا الطبيعي

يا جماعة المشكلة ، مش مشكلة رياضية ،

أنا مستغرب الناس الزملاوية هيتجننوا ، إيه اللي بيحصل ده ،

أيوه هي مشكلة طبية ، أنا مقتنع بكده من زمان والله ، مشكلة طبية  
 حل ال ejection fraction  
 حلهاهم هيبقوا كويسين  
 هيطلعوا الثاني  
 يعني حلهاهم هيطلعوا الثاني

سؤال

هو أنا قولت أي كلمة بره الإسكيم في ال Investigations ???  
 هي الأيام هتثبت صحة اللي قولته  
 أنا اسف هما حرفين بس عديها لي  
 مفيش ولا كلمة بره الإسكيم

ولكن هيجيلي واحد يقولي يا دكتور ، أنا الطالب الديناصور بقا ،  
 أقوم قايلك : بصوا يا جماعة ☺ بس الله يخليكم متزودش الحثة دي إلا واحد خلص الباطنة آلاف المرات  
 وعمل كل حاجة هو عايزها في حياته  
 وكل حاجة ، بس مش حرام طبعاً  
 يعني عمل كل حاجة هو عايزها  
 وبعد كده يقولك ، أعمل إيه دلوقتي أعمل إيه أعمل إيه خايف لأنحرف أكثر من كده ..  
 أقولك : بص يا ابني ☺ ذاكر رقم خمسة وهات كل موضوع كده  
 هتبقا حاجة اللي هي إيه ??? مش عايزك تعرفها  
 ومش هبقا سعيد لما تيجي تقولها لي والله

لأني عارف إنك هتنساها في الإمتحان  
 حاجة اسمها إيه بقا ؟؟؟

ANP

ال ANP تنفى ولا تثبت  
 يعني لو ملقتهاش يا ممدوح روح أنت لا يمكن يبقا قلبك باظ ، شوفت يعني دي أهميتها إيه بقا ???  
 لما يجيلك واحد عنده acute dyspnea في ال ICU  
 حلها لي بقا  
 معايا ???

طبعاً الطب ، مفيش حاجة اسمها لا يمكن في الطب ،  
 يعني أوعى حد يقولي هي بتنفي بنسبة أد إيه في الطب ، أقولك حوالي 90 - 92 في المية  
 بس 92 في المية في الطب يعني مية في المية

هما علمونا كده  
 مهو مفيش حاجة في الطب اسمها مية في المية  
 يعني لما تبقى حاجة 92 في المية  
 يعني أقصد مية في المية

خلاص

وخلصنا ال Investigations وندخل على ال treatment

## وال treatment of heart failure كالأتي

### Treatment

أول حاجة treatment of the cause

طبعاً من الأساسيات

أعالج السبب ، أعالج ال precipitating factors

ده اللي بيعرف يجيب درجة إزاي ؟؟؟

إنت واخذ بالك

يببقا فيه واحد مذاكر ، يدخل علطول على علاج ال failure

ولكن ، ظبط الأتئين

وبعد كده عالج ال failure نفسه

كام حاجة ؟؟؟ تسعة

خلاص

تلاتة في الاول مش قاي لهم لأنهم إيه ؟؟؟

نريح العيان

ناكل العيان

نهدى العيان

نريح العيان خالص

نأكل العيان ،،،، عايز منك تلت كلمات ، وزنك يقل ، ملحك يقل ، والسجائر طبعاً دي حاجة Logic

ولكن الكلمة اللي أنا عايز أوصلها له

زود البوتاسيوم بتاعك في الاكل

ممدوح متنزلش من على شجرة الموز يا ممدوح

كل ما البوتاسيوم زاد ، كل ما بيبقا في صالحك على فكرة

في رمضان ، عايزك تسلي صيامك بإيه ؟؟؟

بقمر الدين

واستفندي ، والمشمش ، متنزلش من على شجرة الموز

على فكرة قولتها قبل كده يا جماعة لو حد عنده الضغط جرب يأكل موز موز موز

هتلاقي الضغط بتاعه بعد أسبوعين إيه ؟؟؟ انتظبط

متبصش للملح بس ، هو طبعاً بتقلل الملح

لكن بردو ادي بوتاسيوم

معايا

البوتاسيوم حلو في مرضى القلب

يببقا كويس

وفي مرضى مين كمان ؟؟؟؟ ال Liver

وفيه اثنين هفاً بعد كده أي كلام



يعني فيه اتنين هفأ الي هما spironolactone  
ده هفأ بس ميزته

أنتم عارفين ال spironolactone ميزته إيه؟؟  
بيزود البوتاسيوم  
عرفتوا بقا إن البوتاسيوم مهم

إنما خشوا على ال Lasix وال thiazide  
ال Mechanism of action إنتم عارفينه  
بيتشغلوا على إيه الأتنين؟؟  
على ال Kidney  
أي حنة في ال kidney؟؟  
ال lasix بتبقا ال loop of Henle

طيب ال thiazide؟؟

على ال Distal tubules

D و D

عشان كده مين الأقوى؟؟؟

ال loop طبعاً

لأن ال thiazide جاي يشتغل فين؟؟

في ال distal

بعد أساساً ما يكون حصل % 95 من الصوديوم حصلهم absorption  
معاي

إيه ال mechanism of action؟؟

بيشتغل على الحنت دي عشان يمنع ال re absorption of أربع حاجات  
الي هما إيه؟؟

المية والصوديوم والبوتاسيوم وال H ions

وعشان كده أغبى سؤال في الدنيا إيه؟؟؟

ال side effects

لأن ال side effects أول أربعة

وتكتبهم كده في الإمتحان وتأخذ صفر

لازم تكتبلي أول حاجة Hypo إيه؟؟

Hypokalemia

لأنه ميصحش عيان القلب يبقى عنده Hypokalemia

وفيه كمان أربعة

Hyper

الي هما أول أربع حروف في كلمة glucose

الي هو hyper glycemia

أنت عارف الكلمة دي  
دي كلمة بيني وبينكم ، لكن أنت في الشفوي ، وأنت قاعد أسد في اللجنة ،  
تقوله hyperglycemia  
Hyperlipidemia  
Hyperurecemia  
Hypercalcemia  
والراجل قاعد هيتجنن ، إيه الطالب ده يا جماعة  
ده سؤال فارما ، ده فاكر side effects  
Hyperglycemia و lipidemia و urecemia و calcemia  
بس الله يخليكم بلاش calcemia في الموضوع  
لأن ال thiazide بس هو الي بيعمل Hyper calcemia

ال Lasix مبيعلمش Hyper calcemia

طيب بص افكروا الاتنين hyper calcemia و خلاص  
أصل أنا أخاف تدخل الإمتحان تقوم تعكسهم بقا  
تقوم تنقص كام درجة ؟؟؟ درجتين  
طب ليه تنقص درجتين ، لما ممكن تنقص درجة واحدة

أو لو أنت مذاكر فارما كويس  
اكتبها خلاص

ال thiazide بس هو الي فيها hypercalcemia  
ال lasix بيعمل Hypocalcemia

وفاكر إن ال lasix كان بيعمل إيه كمان ؟؟؟  
Ototoxicity

وال lasix أنا مش جاي أقولكم الجرعة ما أنتم عارفينها  
40 ملي جرام إلى 80 ملي جرام  
ممكن بالكثير أوووي توصل ل 160  
مش جاي أقولكم بقا  
نديها الصبح ولا بليل ؟؟؟  
لأن متبقاش هندي يعني  
متجيش تديله الجرعة بليل ، معرفش أنا ، كل شوية رايح على فين ؟؟ رايح الحمام يعني  
هو هيجيلي الضغط من كتر ما .....  
هيجي يقولك : الله دا في الهند بيعملوا كده  
تلاقي الدكتور أمتياب  
بقولك إيه يا تشان واحدة الصبح وواحدة بليل  
عشان كده كل الي فيه الهند تلاقيهم مش مركزين  
واخدين بالكم بسبب ال lasix ده

إذاً ال lasix كلمة واحدة  
بيني وبينكم ال lasix هو symptomatic treatment  
أنا معاكم إنه بيقلل ال load  
فبيحافظ على القلب ، ماشي  
ولكنه في المقام الأول symptomatic treatment  
بيقلل ال congestion  
وهو ال Heart failure إيه غير congestion

أدخل بعد كده  
ال Digitalis  
أقول إيه في ال digitalis  
أقول ال action  
أول حاجة ال action ، ده أقوله بسرعة عشان عايز أخش على الأسئلة المهمة  
لأن عيب ال cardiology  
مذاكر ولو معرفتش الأسئلة المهمة متجيش الدرجة النهائية  
أي برانش تاني ذاكرت هتجيب  
مذاكرتش مش هتجيب

لكن ال cardiology لا  
يا ما ناس مذاكرة ومبجيبوش درجات  
فعشان كده عايزين نخلص بسرعة مع ال digitalis

ال digitalis مين الي يقول ال action بتاعه؟؟؟  
يعمل حاجة حلوة أووووي  
يزود ال contractility  
عشان كده بستخدمه في علاج إيه؟؟؟ ال heart failure

بيعمل حاجة حلوة أووووي  
بيقلل ال conductivity  
عارف conductivity يعني إيه؟؟؟  
يعني بيقلل ...  
أنتوا عارفين حاجة اسمها A.V. node  
لما حد يجيله atrial arrhythmia  
أقوم أديك إيه بقا؟؟؟ أديك حاجة تقلل ال conductivity  
تقوم ال arrhythmia الي في ال atrium متنزلش في ال ventricle  
وهو الإنسان إيه غير ventricle  
معايا  
بيقا بيقلل ال conductivity  
وعشان كده بيستخدم في حالات ال Atrial arrhythmias كلها

بيقا هو بيزود ال contractility عشان كده بيستخدم في علاج ال Heart failure

ويقلل ال conductivity  
عشان كده بيستخدم في علاج ال atrial arrhythmias

ورقم ثلاثة بيعمل حاجة حلوة أووي  
أول ما أقولها هتندھشوا إندھاش وتستغربوا !!!  
اللي هي para sympathetic effect

تقوم مستغرب  
واحد يقولي : para sympathetic إزاي ؟؟؟!!!  
مش أنت بتقول بيزود ال contractility  
أقولك : أه

طب para sympathetic المفروض يقلل ال contractility  
أقولك : لا

لأن أساساً ال parasympathetic مبغديش إيه ؟؟؟  
ال ventricle

وبيعمل حاجة تانية  
والله العظيم لو مكنش بيعملها كان زمانا كلنا دلوقتي جينا digitalis  
كده وكل حصّة نروح حاطين الديجتاليز كده  
ده احتراماً لل digitalis  
اللي هو أول ما ندخل ننحيله كده  
بس للأسف الحلو مبيكلمش

يقولك ال digitalis بيعمل إيه ؟؟؟  
بيزود ال excitability  
أنا مش عارف إيه الدنيا دي ، لما تدي كل حاجة بتأخذ حاجة  
ليه ال digitalis بيعمل كل حاجة حلوة

دا حتى ال Para sympathetic حلو عشان ميدخلكش في tachycardia  
لكن راح جاييلك ال excitability  
عشان كده ممكن يجبلك إيه ؟؟؟ arrhythmia of digitalis

عشان كده دي مشكلة ال digitalis الأزلية  
لأي واحد بديله digitalis  
ببقا عارف إنه دواء رائع ودوا magic product  
وكل حاجة  
ولكن حاطط إيدي على قلبي  
وممدوح نفسه يقولي : إيه يا دكتور أنت مالك ، حاطط إيدك على قلبك ليه ؟؟؟ أنت خايف من حاجة ؟؟؟  
أقوله : مش عارف ، أنا حاسس إن ال digitalis ده  
تحس وأنت بتأخذ ال digitalis إن عزرائيل عمال يحوم حوالين ال arrhythmia

أه هتعالج ال heart failure  
بس هو بيحوم حواليك بحاجة تانية اللي هو ال arrhythmia  
وعشان كده خلي بالك من ال digitalis toxicity

أي نوع من أنواع ال arrhythmia ممكن ال digitalis تجيبه  
ما عدا نوع واحد  
إيه ؟؟؟  
اللي هو type two second degree heart block

بس سؤال زي ده ميجاوبوش يا جماعة مش الطالب الديناصور ، الطالب المفتري  
والله المفتري ، اللي هو يا ابني مش كده

أصل بص أنت لما تسأل فيها أي حد ، هو ال digitalis بجيب إيه ؟؟؟  
عارف إنت أي حد هيقلوك إيه ؟؟؟ هو بجيب أي نوع من أنواع ال arrhythmia  
ما عدا ال sinus tachycardia  
أه ، أنا معاك في كده ، طب ما أنا لسه قايلك بجيب bradycardia  
بس ال sinus tachycardia مش النوع اللي ...

لأ أنا عايز النوع ال arrhythmia اللي تموت  
يقولك : هو بجيب أي نوع من أنواع ال arrhythmia  
لو دكتور كويس جداً هيقلوك : ما عدا ال heart block  
لا ال digitalis بجيب heart block

لكن ال digitalis ميجبش إيه ؟؟ type two second degree heart block  
مين اللي يعرف النوع ده ؟؟؟ ولا لسه مخدتوش ال arrhythmia ؟؟؟

السؤال ده لما يجي في ال MCQ بيكون جاي عشان الطلبة ميجاوبهوش يعني  
ده لو حد جاوبه يعني ، بيقا حاجة رهيبه بقا

معايا ؟؟؟

فده كده اللي هو digitalis

مش جاي بقا أقولك إيه هي ال contra indication of digitalis  
لكن رقم واحد هي ال digitalis toxicity

ورقم اتنين ايه ؟؟؟ مش paroxysmal مبيتسماش كده  
لكن ventricular tachyarrhythmia

لو أنت عندك arrhythmia أخطر الأنواع

ال V Tac

في الهند ،

والله العظيم تبقا هندي بقا ، اللي يدي واحد عنده ventricular tachycardia

ويأخذ digitalis

تلاقي الدكتور جاي ،

يقولك : ليه يا ابني اديتله digitalis ???

تقوله : أصله بيقلل الكوبري

كوبري إيه يا ابني !!!!!

ال arrhythmia يا ابني في ال ventricle أصلا

ال arrhythmia مش في ال atrium

وأنا خايف إنها توصل لل ventricle

يقولك : خلاص راح كاتبها وخلاص بقا

يا ابني دي بتزود ال excitability

دا أنت لو كتبت ال digitalis لواحد عنده ventricular tachycardia

والله العظيم

هينظرك نظرة عتاب ☹

لا يمكن تنساها طول العمر ، نفس النظرة ☹ اللي أنتوا باصينها لي دلوقتي مش عارف ليه !!!!!

والله نفس النظرة

اللي هو إيه ??? مينفعش

عشان بيزود ال excitability

إذا فيه اثنين absolute contraindication

مينفعش تدي فيهم digitalis

في ال digitalis toxicity

وفي ال ventricular tachycardia

بس خلي بالكم من حاجة

القضية هنا إنه بيقلل ال Heart rate عن طريق إيه ???

شغله على ال A.S. node

لكن أنا دلوقتي ثورة ectopic focus

هو بيزود ال excitability

عشان كده هو هيزود ال ventricular tachycardia

أنت واخذ بالك

ال digitalis هو بيستخدم في علاج ال arrhythmia

عشان لقطة واحدة بس

الكوبري

يقفلل الكوبري بس

وهيسيب ال arrhythmia في قلبك  
في اتريمك  
في ال atrium بتاعك يعني  
واخدين بالك

بنستخدمه في ال atrium بس  
مبنستخدموش في ال ventricular خالص  
معايا ولا مش معايا ؟؟؟

عايز أقولكم كلمة بس خايف تلخبطكم  
أقولها ولا مقولهاش ؟؟؟؟  
( الناس بتقول متقولهاش بلاش )  
طب أقولها بس تنسوها

الي هي no absolute contra indication في ال digitalis  
بس كمل الجملة  
عشان كده غلط

عشان فيه حاجة اسمها absolute contraindication in very severe heart failure  
ما هو أصل علمونا زمان  
قالولنا إن الطب مكسب وخسارة

يعني إنت دلوقتي ال absolute contraindication  
بالذات متنساش رقم اتين الي هي ventricular tachycardia  
وقولت كلمة ورجع سحبتها وبتأسف عليها والله  
إن في ال severe heart failure  
مفيش حاجة اسمها absolute contra indication

مفيش حاجة إسمها كده  
يا دكتور إنت بتديني إزاي تشغل ventricular tachycardia  
Absolute contraindication  
يا حبيبي الكلام ده في سنة خامسة  
أو سنة ستة طب وأنت بتكتب في الإمتحان  
أنتوا واخدين بالك  
ده في ال severe heart failure

معايا  
أصل هندخل دلوقتي في جدال تاني  
أنا أسف في الكلمة دي  
معايا

Severe contraindication  
اللاتين دول

ال relative contraindication الحاجات الي عندكم بقا  
Relative زي أي نوع تاني بقا من أنواع ال arrhythmia  
ما عدا لو كان atrial arrhythmia

معايا ولا لا ؟؟؟؟

Relative لو واحد عنده peptic ulcer

الكلام الي هو إيه ؟؟؟

Peptic ulcer ليه ؟؟؟ أصل هو ليه para sympathetic effect

فيزود ال peptic ulcer

واخدين بالكم

كلام فارغ

كل الكلام ده ميهمني

أنا يهمني يا جماعة ال digitalis

على فكرة يا جماعة ال digitalis كموضوع فارما مهم أوووي في الإمتحان تكون مذاكره كويس

والي يهمني أكثر

**ال digitalis toxicity**

حتة فلسفية بقا

وبيني وبينكم عشان أنتوا ستر وغطا عليا

أنا ليه كاتبها Partial ؟؟؟؟

عشان يعني كلمة Peptic ulcer دي partial

بس مش دا السبب يعني

مش معقولة جاي أهرز يعني

يلا إحنا مش بنلرز الطب يعني

لكن Partial دا حاجة فلسفية

إنت عارف ،

يقولك لو complete خلصت

يعني أنت تقولي هو complete heart block

أنت خايف إنه يقفل

يا ابني يقفل إيه ؟؟؟؟

Complete heart block

الطريق مقفول

لكن أنت خايف من ال partial heart block

ال partial ده يعني على شعرة

يعني بيعدي impulse ومبعديش Impulses

متدنيش بقا digitalis تقوم محولي ال Partial إلى complete

بس أنا بكلمك بصراحة



كاتبها partial بحرف ال p  
إمّا كنت ممكن أكتفي واكتب heart block وخلص  
واخدين بالكم  
ما أنا برود واقعي معاكم  
يعني لو Partial بأي حرف غير ال P مكنتش كاتبها

لغاية دلوقتي ال digitalis toxicity  
مين اللي يجيله digitalis toxicity؟؟؟؟  
راجل كبير أوووي في السن ، واحد عنده 400 سنة  
يا ابني هتديله القرص إزاي ده ؟؟؟!!  
أنت عارف 400 سنة يعني إيه ؟؟؟ مفيش Metabolism في الجسم  
القرص هياخده هيلف في جسمه ، لغاية ما يجيله digitalis toxicity  
مش بعيد هو واللي حواليه ،

عشان كده بقوله : بص ☺ يا عم الحج ، خد الروشته حطها في جييك  
طب أجيبها ؟؟؟  
لا متجباش

يعني دا اللي هو وصل لدرجة إنت تقوله : بقولك الروشته بس  
وعلى فكرة الروشته في جييه ، اللي هو إيه ؟؟؟ ممكن تجيله digitalis toxicity

واحد عنده renal failure  
لأن مين ال digitalis اللي بينتجه  
ال digoxin

سيبك بقا من علم الصعابيات  
ال digoxin والحاجات الثانية زي ال Digitoxin  
ماشي أعرفهم ، لما تيجي تكتب في الروشته ، عمرك كتبت ال digoxin  
Digitoxin إيه يا ابني ؟؟؟!!!!!!

هو إيه الفرق بين ال Digitoxin وال digoxin ؟؟؟  
كلام فاضي ،  
فيه حد لاحظ حاجة ؟؟؟  
إن ال kidney صغيرة يدوبك على أد ال digoxin  
إمّا ال Liver عريض عشان يكفي كلمة إيه Digitoxin  
خليك فيلسوف كده في إجابتك

سؤال لو كليتك بايظة ، نديك digoxin ولا منديش ؟؟؟  
لا ادي digoxin بس قلل الجرعة

وفي كتاب الدكتور أحمد موافي

Digoxin ( lanoxin ) : excreted mainly by the kidney ( tab = 0.25 mg , amp = 0.5 mg )

Digitoxin : metabolised mainly in the liver ( Digi~~to~~xin → hepa~~to~~xic )

بصوا يا جماعة هو ال digoxin  
لكن لو واحد عنده renal failure  
خلصت بقا

نخش بعد كده hypo thyroidism  
بيقلل ال Metabolism

بعد كده ال Hyper thyroidism  
مش هاقول إيه عشان إنتم عارفينه  
لأن ال Hyper thyroidism بتجيب إيه ؟؟؟ tachy arrhythmia  
بتجيب arrhythmia  
وال digitalis بتجيب arrhythmia  
صح يعني

يعني مينفعش يبقا عنده hyper thyroidism  
وأنا أديله digitalis  
ممکن يجيلك toxicity

خش بعد كده على ال Hypokalemia  
وال hypercalcemia  
تزود ال digitalis toxicity وده MCQ  
عشان أتلاعبلك بالألفاظ ، وأخلي الطالب يجيله arrhythmia وهو قاعد

إيه اللي بيزود digitalis toxicity ويقولك  
Hypokalemia  
Hypocalcemia  
Hypercalcemia  
Hypo phosphatemia  
ويفضل بقا

اللي بيزود اللي هي إيه يا جماعة ؟؟؟ ال Hypo kalemia وال Hyper calcemia

**أعراض ال digitalis toxicity ؟؟؟**

ابدأ بالأعراض اللي هتموتك ولا اللي هتنبهك ؟؟؟  
اللي بتنبهك  
اللي هي non cardiac  
أصل إنت هتموت بسبب الأعراض ال cardiac

ال Non cardiac زي إيه ؟؟؟  
Anorexia زي ال nasuea و ال vomiting

حد يقولي ما إحنا بنكتبها في أي مرض وكده  
بس خلي بالك هي هنا مهمة

ال first symptom

أول ما العيان يقولي يا دكتور أنا باخد digitalis بقالي شهر  
وحاسس نفسي غامة عليا  
وعايز أرجع  
قوله : ألف مبروك ☺ وقف الدواء يا ممدوح

قوله كده : أول ما تلاقي نفسك غامة عليك وعازيز ترجع شوية ، وقف الدواء شوية  
إنتوا واخدين بالك

لأن ال anorexia أول حاجة

فيه كلام تاني إسرائيليات  
موجود في الكتب الصفرا ، ومش هتشوفه في الحياة الواقعية ،  
بس لازم تكتبه

اللي هو يقولك : العيان اللي بيأخد digitalis كتير وداخل في toxicity  
اللي هو بيشوف الدنيا مصفرة شوية

Yellow vision  
أو اكتبها حاجة مخضرة شوية  
حاجة اكتبها كده علم الصعابيات

ممکن كمان يقولك  
gynecomastia بيقا عنده  
psychosis ممکن بيقا عنده

ولكن أنا يهمني ال cardiac

الطالب الساذج يرجع بيتهم النهاردا ،  
cardiac manifestations of digitalis toxicity ال يلاقي

نبدأ بالطالب الساذج ولا الطالب الذي ؟؟؟  
الطالب الساذج ، اللي بيذاكر من مذكرات صفرا  
وعمال يحفظ ، paroxysmal supra ventricular tachycardia  
Ventricular tachycardia  
Heart block  
كل أنواع ال arrhythmia

مع أنه لو طالب ذكي ، ما يستنى لما نأخذ ال arrhythmia  
وأحفظ الحاجات دي ، إنت إيه اللي يخليك تحفظ الحاجات دي extrasystole  
ولكن كل أنواع ال arrhythmia ما عدا نوع واحد بس

لو كتبته في الإمتحان أنا بقولها لك كلمة من دلوقتي  
والله لو كتبتها في الإمتحان وافتكرت تكتبها  
روح وهما بيصحوا في الكونترول  
هتلاقهم بيزغردوا  
وتقولهم : دا أنا ، دي ورقتي

بيزغردوا عشان انا كاتبلهم كلمة

ال digitalis بجيب كل أنواع بتاعت ال arrhythmia  
ما عدا إيه بقا ؟؟؟ ال type two second degree heart block

نفسى ، أمنيته الوحيدة في الحياة ، واحد بس فيكم  
يفتكر البوء ده  
ويكتبه حتى في سؤال ال Nephrology  
😊 نفسي والله يكتبه  
ولما يكتبه ، يتصل بيا ويقول على فكرة ، أنا حققتك حلمك وكتبت البوء ده في سؤال ال rheumatology  
ماشي  
افتكروا يا جماعة ال digitalis بجيب كل أنواع ال arrhythmia ما عدا إيه ؟؟؟  
Type two second degree heart block

أوك ، بس كده

الساعة

1:26:36

الشريط الأول في المراجعة إن شاء الله

لمزيد من المواد المفرغة  
على الفيس بوك  
صفحة تفريغ المواد الطبية

[www.facebook.com/dr.tafreegh](http://www.facebook.com/dr.tafreegh)

نحبكم في الله

إذا عجبك أي شيء متفرغ تابع لصفحة تفريغ المواد الطبية أو جروب تفريغ المواد الطبية  
 وحببت حضرتك تنقله اتفضل  
 بذكر المصدر أو بدون  
 المهم أن المعلومة توصل لغيرك  
 واحتسب إنك بتوصل معلومة لغيرك  
 وإن شاء الله لك من الأجر الكثير بإذن الله  
 ويكون في خدمة الإسلام والمسلمين  
 اللهم اجعل عملنا خالصاً لوجهك الكريم  
 اللهم آمين  
 😊 سلام بقا